

MISHIMA YALAJIKA



Nkambo, Naketekela; Nkambo, Naketekela,
Bintu byonse byakonsheka; Nkambo,
Naketekela.

Twayai tukimane pa kakimyetu kacheche ne kukunyika mitwe yetu.

² Nkambo Yesu, tubena kweseka mujishinda ja kwikepesha, kwi kimweshwa kwi Anweba, pa kwimba bibye, amba twaketekela. Kabiji twalomba, Nkambo, namba pano, Anweba musakutwajijila na kutebula Shinkwa wa Bumi kwi atweba, ne kupana kwi atweba akya kyo tubena kukabila, kufuma mu Kyambo Kyenu. Mambo twikimpuzha mwi Yesu Mujizhina. Amena.

³ Anweba ikalaiko. Amiwa kine naketekela, inge twakonsha, inge Nakonsha kwamba kyambo kyafikilamo-kyonse kya “amena,” amba mapesho akwa Lesa a mu ino nzubo atwajijile kwikala pa jino jibumba.

⁴ Amiwa naikala lukeelo luno na kuteleka bulongo ku mpwijilo, kumvwa bulongo bya lushimuno, mu mashinda apusanapusana aji na umo umo a kwi mwesheshamo abo bene. Kabiji ne kumvwa baiya katataka, mulongo wa ku Baptist kuno awo waiya na kulomba lulekelo lwa mambo pa kulangulukila mo kyatamina pacheche. Nanchi Amiwa—Amiwa kine nasachila bumuntu, muntu wakonsha kwikala na bumuntu bwafikilamo, nangwa—nangwa mwanamulume wafikilamo waku, inge walanguluka mba wauba kilubo. Aye kechi wakolombangatu lulekelo lwa mambo kwi amiwa ne, kechi kwi amiwa ko akulombanga lulekelo lwa mambo ne, kyajinga kwi Lesa. Nanchi Amiwa—Amiwa nasata pa kyokyo, mwamona. Lesa peshai mulongo wetu, kabiji ne musapwishi mulongo wanji.

⁵ Ami, awa Baptist, mwayukatu, Amiwa najinga wa ku kipwilo kya Baptist. Amiwa najinga membala wa ku Kipwilo kya Mishonale Baptist. Byo Naishile mukachi ka bantu, Nayuka byo ubena kwikyumvwa. Amiwa naumvwine musangotu umo, najingatu wayulamo kintu kimo Ami—Ami kyo nabujile kuyuka.

⁶ Amiwa navuluka kimye kitanshi kya kumona pantekosito, kyajinga ku Dowagiac, Michigan...Nalomba lulekelo lwa mambo, Najinga ku Dowagiac pa lwendo lwa kuya na kuloba masabi, kabiji nafuminenga ku Dowagiac, kuya ku Indiana. Kabiji nanchi Namwene mazhina, a “Yesu” pa myotoka ponse ne bintutu bikwabo, kabiji Natelekele kumpwijilo yabo mujoja juba. Kabiji jalondejilepo bangimpwizhe kwiya ku pulatifomu, ne kwambapo byambo bicheche, kabiji Ne kyubile. Kabiji

Ami. . . Bangimpwizhe kipwilo ka Amiwa kyo ntanwako, kabiji Nebambijile mba Neewa ku Baptist.

⁷ Kabiji abwa bufuku bajinga na mukote mwanamulume wachiluluka wailenga na kusapwila, kabiji wafwajijilwe kwikala na myaka kukipela kya maeite, kabiji waishile ku pulatifomu. Awa mulongo mukote, bakebelengatu ne kumutangijila kuya pangye. Aye wajinga na, umo wa ooa makonchi alepa a basapwishi, na nteneshi yanekena, kabiji kwapita ne kakibese kaboya katoka kazhokoloka kulubaji. Kabiji Nalangulukile namba, “Abo bonse banabalume papo kabiji bafunda masukuulu a mambo awama, bantu bayukanyikwa, bakonsha kupana byepi kuno kupwila ku mulunda uji byobya? Kyawama, awa mwanamulume mukote wafwainwa kwikala mu kipona pantu pamo, kasa aikala.”

⁸ Basapwijilenga pa joja juba pa byaubile Yesu panopantanda. Kabiji, aye watolele, watola mutwe wanji, Naketekela kyajinga mu Yoba :7, 20, amba, Amiwa kechi nashiniinwa kana kyo Kinembelo nyi ne. Nangwa byonkabyo, abye byo bijipo, nangwa lubaji lumo lwa bijipo, “Wajingapi mu kimye kyo Naajile bintendekesho bya ntanda, kimye tubangabanga twa kumakya byo twaimbilenga pamo, ne baana ba Lesa saka babijika na lusekelo?” Kabiji aye waambile pa byaubilwenga Mwiulu, abo kasa baambilengatu pa byaubiwe panopantanda.

⁹ Kabiji ponkapotu, pa kupitapo mamineti faivi kufuma po atatwijile kwamba, aye, Mupashi wakwa Nkambo wa mukwachile, kabiji watolokele peulu ponka panshi kabiji wabwela wampuka ne tushiko twanji pamo. Ami, apa pajinga mpuzha yabaya bingi, pajinga pepi nobe afu wa uno pulatifomu; kabiji waile kasa bena kwenda, ne kwamba mba, “Anweba kechi muji na mpuzha yabaya muno ya kusapwilapo ne.”

¹⁰ Kyawama, Amiwa najinga pepi nobe myaka tweeti pa kyokya kimye. Nalangulukile mba, “Inge—Inge akya kyakonsha kuuba byobya kuyewa mwanamulume mukote, pano kyakonsha kungubaka ami?” Mwamona?

¹¹ Pakuuba mba twibisende bintu byonse bulongo na mambo a balongo betu bakatataka, kine atweba twibatambulwila mu lumvwang’ano lwetu lwa bupopweshi. Namona, Naketekela baji kutongola pulisiti waikala papo, Naketekela; mambo, byonji waki Irish, bantu bami ba Katolika. Kabiji nanchi kwajinga bavula, ba Baptist ne bakwabo bapusanapusana. Anweba mwakwikala balubakanako pacheche, mu kimye kicheche kyapitapo. Najikumona nangwatu umo wa balongo waji kwikyamba ne, bino Naji kulanguluka mba Amiwa nsakololapo. Kimye Mulongo Shakarian. . . Panyuma ya musapwishi wawama kuno waji kuyulwa bingi na lusekelo, pa kuyuka mba Kwiya kwa Nkambo kuji bingi pepi, aye—aye waambile mu lujimi ungi, kwi atweba. Kabiji tuji na bakulumbulula

bapana kilumbululo. Kuuba mba, Kinembelo kyaamba mba, “Inge kwabula wakulumbulula, lekai kechi bambe ne.” Pakuuba inge—inge baamba mujimi kabiji ne kwiilumbulula, ikala ke bungauzhi. Nanchi pajingako kulubakana pacheche kwa—kwa baabo babiji pa kimye kimo. Bino, akwa kechi kwajinga kulubakana kucheche ne, monai; mambo, umo mwi abo wapainenga kilumbululo, mukwabo wa awilenga. Mwamona? Nanchi ko kuuba . . .

¹² Amiwa Najikulanguluka mba tusa kwi bayukisha balongo betu, inge kechi bayukile ne, mambo umo wapainengatu bulongo . . . Mwajikumona kulama kwa kimye pa umo umu nyi? Kabiji mukwabo wajinga wayuzhiwamo, aye mwine, amba Mupashi wakwa Lesa waawilenga mu umo; kulumbulula, mukwabo na kulumbulula. Pakuuba mba pekale patoka bulongo, kuuba mba anweba . . . atweba kechi tuji . . . Kimye kimo, ku maana a bumuntu . . . Kijitu pamo nobe mulongo wetu wawama wajikupana lulekelo lwa mambo lukeelo luno. Kikala kya kulubakanya muntu awa wabuula kwi kikwatakanya. Pakuuba ku booba baji mukachi, babanda mu ino nkondo yo tujimo, kika, twibiyuka bye, abye bintu byobiji. Nanchi Amiwa najikulanguluka mba Nsawkambapo pa kikyeye, inge kijitu bulongo.

¹³ Pano, Amiwa—Amiwa nayuka mba ino kechi ke mpuzha pa kwambila kikyeye ne. Bino byo kiji mba muntu yense ubena kwambapo tubintu tucheche, Amiwa . . . Anweba mwayukatu, awa mulunda wajikwaamba mba, awa mukote mwanamulume wachiluluka waambile mba, “Anweba kechi mujipo na mpuzha yabaya po nakonsha kusapwilapo ne.” Anweba kechi muji na *kimye* kyabaya kya kusapwilapo amiwa ne. [Kipwilo kyaponena mutuseko—Waku.] Jishinda jikwabo kuya muzhoka.

¹⁴ Muntu umo waambile juba jimo, mba, “Wa mwingilo waishile, aye waikela kafunga wa kyokya kipwilo pa myaka tweeti. Kabiji aye kimye kyonse wasapwilangatu mamineti sate kila Mulungu lukeelo pa kipwilo kyanji.” Kabiji aye waambile mba, “Uwa Mulungu lukeelo, wasapwijile maawala asatu.”

¹⁵ Ponkapo jibumba ja bakwasho ja mwichile, ne kwamba mba, “Kafunga, twakusachila bingi.” Waambile mba, “Atweba twayuka mba kimye kyonse wimanatu na—na Baibolo kabiji ne Pa byaitabilwa.” Kabiji baambile mba, “Kabiji obewa kimye kyonse witolola pakuuba mba twikale batoka kabiji babula biko ku meso a Lesa. Kabiji atweba twakusachila, kabiji atweba twaketekela mba wi kalume wakwa Lesa. Kabiji atweba kine twajikusachila aya mbila lukeelo luno. Bino,” baambile mba, “pajitu kintu kimo kyo tubena kusaka ku kwimpuzhapo.” Baambile mba, “Twakuyuka obewa, nobe jibumba ja bakwasho.” Baambile mba, “Kila Pamulungu lukeelo obewa upwishatu maminetitu sate, pakuuba leelo wajikupwisha maawala asatu.” Baambile mba, “Pano, vulukai, twasata

pa kyonse kya byobya. Byajingatu bulongo.” Kumumvwisha bulongo awa mulunda, mwayukatu.

¹⁶ Aye waambile mba, “Kyawama, balongo, Amiwa nsakwimubuula byokiji.” Waambile mba, “Kila lukeelo inge Naya ku. . .Amiwa naitwa kuya ku pulupiti,” waambile mba, “Amiwa mbika ka kintu Kaswiti Kakukukumya mukanwa kami,” waambile mba, “kabiji Amiwa ngubatu kasa ne kaamwatu.” Kabiji waambile mba, “Inge nabika Kaswiti Kakukukumya kapwa,” amba, “kisendatu mamineti sate,” kabiji waambile mba, “nishi Naleka kusapwila.” Aye waambile mba, “Mwayukatu, lukeelo luno, Najikulanguluka mba Nakizhapo pacheche. Naji kwikashipamo, Najinga na jibbatani mukanwa kami.”

¹⁷ Amiwa kechi nsakubikapo kintu kiji kyonse mukachi ne, nanchi twaketekela mba kechi tusakwikala na mabbatani mu mapokochi etu ne. Bino atweba tuji. . .Naketekela mba akyo kechi kisakumvwanika myendeleo muno ne. Bino Nasakatu. . .Mwayukatu, ne Lesa naye uji na musango wakusekesha, mwayukatu.

¹⁸ Nanchi twasata bingi pa kutanwa kuno ne kwikala na kikye kimye kya lumvwang’ano lwa bupopweshi, kabiji—kabiji ne kwikala na jije jishuko ja kutebula Shinkwa wa Bumi ne jikwabo, mu jishinda jami jicheche japeela. Nayuka mba, nobe bafunda masukuulu a byambo byawama, nobe byajikwamba yewa mwanamulume bufuku bwapita kufuma ku England; ami, nashikwa kwimana kunyuma ya muntu uji byobya, kasa nji na kufunda kwa mu guleendi-sebeni. Bino Naketekela mba Lesa usa kulumbulula kwi anweba kilumbululo kiji mu muchima wami. Mwamona? Inge byambo byami kechi biji bulongo ne, nkebelo yami, Na—Naketekela, ijitu.

¹⁹ Pabo twayai tutange mu Kinembelo. Bavula ba mwi anweba mwatemwa kulondela. Kabiji Amiwa mbena kutanga lukeelo luno, pa kimyetu kicheche, kufuma mu Buuku wa Yelemiya, ngauzhi, kyapitala kyabu 2, kabiji Nsakutapila pa veeleshi wabu 1.

Kabiji jiwi ja YEHOBA jaishile kwi amiwa, amba,

Yanga ukataye mbila mu matwi abena Yelusalema, amba, Abyo byobyaamba YEHOBA; Amiwa nakuvuluka, byo wantesheshe muchima mu bwanyike bobo, ne butemwe bobo bwayewa ye waipanguzha, byo wandondejilenga munggetu, ne mu yoya ntanda yo babula kujimamo.

Isalela wajinga wazhila kwi YEHOBA, kabiji ye wa nsomo wa mu bami bonse: bonse bajileko. . .kabiji bazhachilwe; bya malwa bibafikijile, byo byaamba YEHOBA.

Umwai jivi ja YEHOBA, Anweba ba mukisaka kya Yakoba, kabiji ne ba mubisaka byonse bya Isalela:

Abyo byaamba YEHOBA, Ng'anyi bumbulwakoloka bo bataanemo mwi amiwa bashakulu benu, kyakuuba mba baya kwalepa kufuma kwi amiwa, mu kulonda byatutu, ne kwaluka ke batu?

Abo kechi baambile ne mba, Uji kwepi YEHOBA witufumishe mu kyaalo kya Ijipita, kabiji ye witutangijilenga mungyetu, kwitupisha mu kyaalo kya biselebwa ne meena, kwitupisha mu kyaalo kya byashi, ne kya bivule byalufu, kwitupisha mu kyaalo mubula kupita bantu ne, kabiji. . . kafwamo muntu wikalamo ne?

Kabiji Amiwa ne muletele mu kyaalo muji byavula, mu kuja kajo ko ilupula ne kusekela mu buwame bwayo; pakuuba anweba byo mwatwelelemo, mwazhilulwile, ntanda yami, ne kwalula yami ntanda ke ya bunya.

Kabiji ba ng'anga kechi baipwizhepo ne mba, Uji kwepi YEHOBA? Kabiji kuboko kwingila na mizhilo kechi kwangyukile ne: kabiji bakafunga ne abo bazhilulwile kwi amiwa, kabiji ba ngauzhi baavilenga mu jizhina ja Baela, kasa balonda byatu bya kubula kumwenamo kintu.

Onkao mambo Amiwa katwajijilatu. . . na kusashijila kwi anweba, byaamba aye YEHOBA, kabiji ne bankana benu Amiwa kasashijilangatu.

Pakuuba. . . abukilai ku jikuji ja Kipilusa, mukamone; kabiji ne mu Keda, bakamone bulongo kyokya, mukamone kana kwamwekelepo kala kintu kya byonkabyo.

Nanchi kujipo mukoka wa bantu wapimpulapo kala ba lesa banji, nangwa kechi. . . balesa? bino bantu bami bapimpula lukumo lwabo na kyatu kyo bakonsha kubula kumwenamo kintu ne.

Kakilwai, Anweba bya mwiulu, na kino kintu, kabiji ne kuchinyishatu na moyo, . . . mukankameshetu, byaamba aye YEHOBA.

Mambo bantu bami bauba bya bubu bibiji; bandeka amiwa nsulo ya meema abumi, kabiji ne kwisongela mishima, mishima yalajika, ibula kukonsha kulama meema.

²⁰ Aye Nkambo a bikepo mapesho Anji pa kutanga kwa Byambo Byanji. Kabiji Amiwa nakeba ku—kusenda mutwe wa bibye, amba, *Mishima Yalajika*.

²¹ Kimye, kya kutanga kikye Kinembelo lukeelo luno; kuuba mba, Binembelo byonse byapewa na mupashi. Kabiji twiia ku

Nzubo ya kwa Nkambo na kololwa kabiji ne kumvwisha. Kabiji bimye bimo byo tumona . . . kintu kimo kicheche mu jishinda.

²² Nobe yuwe mwanamulume mushilikale, pa kimye kicheche kyapitapo, wajikwambanga kwi atweba amba bintu bimo, abyo kapepo mu kyaalo kikwabo kiji na mizailo ya muntu umo, nangwa—nangwa kintu kimo muyoyo ndonda, kabiji twafwainwa kukebapo kintu kimo kya kukankanya kyokyo mu—mu lunengezho lwa mazhita.

²³ Kyawama, kintutu kimo kyubiwa ne mu kipwilo, pa kyookya kifulo pabena kusapwila yewa muntu, nangwa inge ye musapwishi uji mu mwingilo. Inge watapa kumona bulwanyi ke bumwimene, kabiji kintu kimo kibena kutapatu, kibena kuya, kikiji mu bwanyike bwakyo nangwa musango yense mo kyaikela; kiji ku yewa muntu, inge ye kalume wakwa Lesa, kukanya kyokya kintu mu milanguluko ya bantu pakuuba mba bafumeko ku kyokya kintu. Kabiji kechi tukeba kyokya kintu kumweka ne, kya kuuba mba atweba ke tutanwe mu byobya bifulo.

²⁴ Pano, mu kimye kya kwa Yelemiya papo, mu bungauzhi bwanji, kyajinga pepi nobe myaka sikisite kufuma palufu lwa—lwa Isaya—Isaya. Kabiji baikela pepi nobe myaka sikisite kwakubula kwikalapo na ngauzhi mukatampe. Kwajinga Habakuka kabiji bamo bangauzhi ba bacheche, bino Isaya wajinga ye ngauzhi mukatampe wapeleleko. Kabiji bajinga, mu kyokya kimye, kechi bajingapo na umo wa kwibafumyamo ne. Abo babwelele munyuma. Nangwa byonkabyo, bajinga bantu bakwa Lesa, babwelele panyuma mu yewa musango ye—ye twibatamano, nobe pa kimye Yelemiya kyo aishijilemo na kwibaawila. Kabiji naji wajinga . . . Aye waawile kasa bakyangye kuya mu buzha, kabiji naji waile nabo mubuzha.

²⁵ Kabiji pano, nangwa byonkabyo, Danyela waishile panyuma yakwa Yelemiya. Kabiji Danyela waambile mba waumwine, kupichila mu Binembelo, bya yooya myaka sebeta ya kwikala moomwa.

²⁶ Mambo, kwajinga ne mukwabo ngauzhi mukachi kaabo, ao wakebelenga kulenga kikye kikokoji, byonka byo ekibikile pashingo yanji, nobe kyakonsha kwikala kintu kicheche, amba pa myakatu ibiji, kyawama, Lesa ukebabwezha bonse, bino Yelemiya wayukilo kyapusanako ku kyokya. Kabiji twayuka kyamwekele kuyewa ngauzhi waawile bingi, wafwile yenkawa mwakatu umo. Nanchi Lesa kechi wakonsha kumuleka waikala ne.

²⁷ Kabiji ne apo twamona byubilo bya bantu mu joja juba. Bino Amiwa kechi nakeba mba anweba mumwine mungi ne, Amiwa—Amiwa kechi nakeba ne, kyo naimanapo . . . mu byo Mbena kukeba kwamba pano, kufuma mu Binembelo bimo ne byo nanemba bicheche.

28 Kechi Naingijishanga bya—bya kunemba Binembelo ne bikwabo pakipepala ne. Bino panyuma ya Kupita pa tweetifaivi jibiji, kyawama, Amiwa—Amiwa kechi vuluka nobe byonka byo Navulukanga ne, nanchi Ndemba Binembelo pakuuba mba ngyuke, kufuma papo, kwepi ko Nsakuya. Kabiji ne kwikala na bimye byabaya bya kulombelela bakolwa, ne bikwabotu, kabiji wafumapo waaya, Amiwa kechi ngikala na kimye kyafwainwa kya kutanga byonka byo Nafwainwa kuuba ne.

29 Pano, bino awe ngauzhi mukatampe wa mujije juba, wajinga Yelemiya, kabiji wajinga mundoonda yakwa Amosi ne bakwabotu bangauzhi bavula baimene. Aye wabushiwe muchima byo amwene byubilo bya kyaalo. Bino kwajinga mampuzha. . .

30 Kimye kimo inge mubena kwamba pa kyaalo, kyakonsha kumweka nobe kibena kotalatu ku—ku musango umo wa bantu. Kechi kiji byobyoye ne. Ke kipikichala kyonse kya kyaalo. Kabiji twatana kuuba mba, leelo, ke—ke kintu kyafwainwa kwesakanya pamo na byubilo bya buleelo byonka byo kyajinga mu moba akwa Yelemiya, kya kuuba mba kyaalo akyo kine, kyonse pamo, kyaya, pakatampetu nangwa pacheche, mu kupopwela bakishi; mu musango umo, Nakonsha kwamba mba, bafumine kwi Lesa. Kabiji pakuuba kyokyo, ke namambo akukokelela kwa pulupiti. Mambo, inge ma pulupiti ajinga aimana bulongo, kabiji kasa aaji na Kyambo kya Lesa, Lesa wakonsha kwikala mu kyonse kipwilo nobe byonka byo Abena kwenda mukachi ketu muno. Pakuuba bafumako ku kyokyo. Kabiji akyo kyo kintu kyo Na—Nasaka kwambapo lukeelo luno. Kabiji pano twatana kuuba mba akye kikala kya bukine mu nkulo yonse.

31 Naketekela mba kyajinga Amosi, nobe byonka byo Najikwamba pe aye kimye kicheche kyapita, amba aye waambile mba “kechi wajinga ngauzhi ne, nangwa mwaana ngauzhi ne.” Bino waambile, mba, “Inge bokwe waimba, ng’anyi usa kubula kuchina?”

32 Kabiji inge muntu waumvwa bokwe waimba mungye, aabo bomumvwa mu kitangaji muno boobatu myaa. Pakuuba umvwe umo waimba mungye, yense muntu wikyumvwa. Amiwa naikalapo mungye, na kwibepaya. Kabiji aye ye mfumu wa banyama, kabiji, umvwe bokwe waimba, ne bitokola bileka kupanga kyongo, bintu byonse byuuba. Ba—balubwala kabiji ne ba—ne bamingolwe batamamiteto, ne banyama bakwabo, kabiji ne makabukabu aba pombo ne ba kolwe, bitokola, kechi wakonsha kumvwa milanguluko yobe ne; pakuuba palepa lekai bokwe embe, kabiji yense kitokola ukaleka kwimba. Monai, kintu kyonse kimuchiina. Nangwa byonkabyo, kuji bintu byavula byakonsha kumwipaya, bino aye wayukanyikwa mba mfumu mu banyama.

33 Aye waambile mba, “Umvwe bokwe waimba, ng’anyi wakonsha kubula kuchina?” “Nanchi Lesa waamba, wakonsha kubula kwaula ng’anyi?”

34 Kabiji ko kuuba mba, Nalanguluka, byubilo bya kumanya makatazho a buleelo. Lesa waamba. Mwamona? Kabiji twamona kuboko kwanemba pa lubumbulu, nanchi ke kintu kyapeela bingi kwaula ne kumona mba tuji mu kimye kya kumpelo.

35 Kabiji tubena kumona Lesa, kufuma ku lubaji lonse lwa madinominesheni, kufumatu ku Bukatolika, kupita monse mu bipwilo bya mapolotesitati, ba Buddha ne bikwabo-byashala, kufuma ku India, kabiji ne bikwabotu, Aye ubena kwita bantu Banji pamo, kwi bapwizha pamo. Kabiji Amiwa—Amiwa nji bingi na lusekelo pakyokyo, pa kumona jije juba kasa jibena kwiya. Pano atweba. . . Ke—ke juba jikatampe, ke jishuko jikatampe bingi.

36 Amba, inge Nafwainwa kuuba, inge kya kuuba mba Nayukijile jimo ntanda kasa ikyangye kwikalako, kimye kyo twajinga myeo iji kulubaji lwakwa Lesa, amba atweba twi, mambo twajinga Nanji kintendekesho kya inontanada kasa kikyangye kwikalako. Mambo, kujitu musango umo wa Bumi Bwapee, kabiji bwakwa Lesa. Kabiji atweba twi lubaji Lwanji. Atweba kechi twajinga kyakuuba mba twakonsha kuyuka ne—ne kukonsha kulanguluka, kabiji twajinga bu kintu; bino twajinga mu milanguluko Yanji muyewa musango ye twajingamo, kintendekesho kya inontanda kasa kikyangye kwikalako. Mambo, atweba twi lubaji Lwanji, byonka biji mwanami wamulume ke lubaji lwami, kabiji Amiwa ne lubaji lwa ba taata, ne bikwabotu. Atweba twi baana babalume ne babakazhi ba kwa Lesa, pa kuyukila jimo Kwanji.

37 Kabiji akwa kunyuma, inge Nayukile byonka byo Nayuka pakino kimye, kabiji inge natajile mu kyonse kimye kikeya, kabiji Aye ngewaambile kwi amiwa, “Ing’anyi kimye kyo wakeba mba ukekale na bumi?” Amiwa inge naambile mba pa kyonka kino kimye, konka ku kipelatu kya—kya kupelako kwa jishimikila ja ntanda, kabiji ne kwiya kwa Bufumu bwa Lesa bu kekajikwa pa ntanda. Naketekela mba ke kimye kyawamisha kya mankulo onse, ke ponka pano.

38 Twatana kuuba mba Isalela ngauzhi wamuzhachisha, kimye Lesa kyo amutongwele ne kumutuma, bazhachishiwe na bubi bubiji bukatampe. Kabiji tubena kukeba kwamba pa bibye bintu bibiji byo baubile. Kabiji, kufuma kukyokyo, tubena kukeba kutambula mashuko na kikyeye. Pano, bafumine kwi Lesa, Nsulo ya meema a bumi, kabiji ne kwipoila abo bene mishima. Baalulukile kufuma ku kintu Lesa kyo ebapele, kabiji ne kwipoila abo bene kintu kyo beubila abo bene. Kabiji aaye mishima, mwamona, yo bajinga nayo, yalajikile kabiji ya suminenga.

39 Pano, mushima walajika kechi wakonsha kulama meema ne. Ika suumanga. Amiwa na komejile pafwamu, kabiji Nayuka mushima wakala byo aaji, kabiji ne makatazho o twikala nao.

40 Kabiji awe mushima ubena kusuuma ke—ke kipikichala kyawama bingi, Nalanguluka, na jino juba, kuuba mba (byetu) bintu byonse byo twaeseka kuuba, kuleta muntu pamo, kuleta bantu pamo, kuleta bipwilo pamo, kyaikalatu kimye kyonse ke kya kweseka kwa maana a bumuntu. Twaeseka kuleta bonse ba Methodist kwikala ba Baptist, kabiji ne kwikyalwila mulubaji lukwabo, kabiji ne madinominesheni apusanapusana. Kabiji akyo kechi kyajinga mutanchi wakwa Lesa ne, kya kutatwilapotu.

41 Lesa wajingatu na kifulo kimo kya kukumenapo. Aye waambile momwa mu Buuku wa Kulupuka, amba, “Nasalulula kifulo kya kubikapo Jizhina Jami, kabiji akyo kyo kyonka kifulo kya kukumenyapo bantu.” Kabiji Aye wasalulwile kifulo kya kubikapo Jizhina Janji. Kabiji apa po Abika Jizhina Janji, apa ipo Aye po akumenye Isalela. Aye uji na kifulo kyo Akumenyapo kipwilo Kyanji leelo, kabiji Aye wasalulwile joja Jizhina, ne joja Jizhina ke Yesu Kilishitu. Kabiji ponkapa ipo po Akumenya waitabila kyakine, inge uji mwi Yesu Kilishitu. Amo imo Lesa mo asalulwile kubika Jizhina Janji.

Mwamba mba, “Jizhina ja Lesa?”

42 Aye waambile mba, “Naishile mu Jizhina Ja Bataata.” Nanchi amo imo Lesa mo abikile Jizhina Janji, ke mwi Kilishitu. Kabiji mwi Kilishitu imo mo twakonsha kusambakeena ponka pa Mashi aichikile, kabiji ponkapa po paji lwiine, lumvwang’ano lwa bupopweshi lwa kine.

43 Lesa walengele mutanchi Wanji ku ntendekelo, mu bujimi bwa Edena, akyo kifulo Aye kyo akonsha kusambakeenapo muntu, kabiji akyo kechi kyajinga mwaila maana a bumuntu ne; inge byo kyajinga, Eva wajingatu monka mu ndoonda ya mutanchi Wanji. Bino twayuka mba pa kuswa kwanji kwa milanguluko yakwa Satana, “Kinetu, Lesa kechi wakonsha ne,” bino Lesa waambile mba Aye wakonsha! Kabiji nanchi Aye wasalulwile kifulo kya bukuzhi, kabiji kyajinga kupichila mu Mashi, kabiji kechi mwaila maana a bumuntu ne.

44 Nanchi atweba tubena kupumatu mu mwela, bino kijitu ke kisemwa kya bumuntu akyo—akyo bantu kyo beseka ku—kuuba. Inge twajinga nakimye, twakonsha kwi kisabaula mu bibese byavula, pakuuba kechi Mbena kukeba yeo bbatani ne. Nanchi tusakweseka kwikipeezha bingi, “mishima yalajika.” Kabiji watana kuuba mba kya—kyamweka jibiji, ke kipikichala kya nkulo yetu yo tubena kwikalamo, mu byakweseka byetu byonse.

45 Kabiji kechi kya kulengulula bulume bonse bubena kubikwamo na bakalume bakwa Lesa ne, aabo batongola pa

Jizhina ja Yesu Kilishitu. Aye wafwainwa kupewa mushingi pa mambotu akutongola Jizhina Janji na muneema ne mushingi. Kabiji ne ntachikilo ikatampe ya busapwishi yakumbana pano pantanda, mu ano mooba, Nalanguluka mba, byonkabyo kechi tukakonsha kuleta bantu pamo na muchima umo ne poso twibatwezha mushi ya Mashi akwa Yesu Kilishitu. Akyo kyo kifulotu kikekala kya mutende.

⁴⁶ Muntu umo wangichile kechi papita kimye kyabaya ne, kufuma ku Musela, ne kwamba mba, “Mulongo Branham, Naumvwa mba mwaviluka kuya ku—ku Arizona, kabiji obewa walenga ki—kifulo kooko kiji na mutende.” Kabiji byonka byo mwayuka Mbila byo iya, kabiji Nkambo wambujile bikamweka mu Alaska, kabiji pa kupita mu California byo kikekala, kabiji kijitu byonkabya. Baambile mba, “Pano inge akya kibena kusukeena, kabiji ne bintu byonse, nanchi kifulo kya mutende kiji kwepi?”

⁴⁷ Naambile mba, “Kujitu kifulo kimo kya mutende kyo Nayuka. Amo ke mwi Kilishitu. Mambo aba baji mwi Kilishitu, bakooba . . .” Kyo kyokatu kyo Nayuka.

⁴⁸ Pano Yelemiya waichilwe, ne aye, “ngauzhi kijilajila.” Kabiji mambo, Naketekela mba, akyo kyo kyalengejile awe ngauzhi kujila—kujila, byonkabyo, ke mambo a kuuba mba aye kwikala ngauzhi (kabiji Kyambo kya Lesa kiiya kubokaba) ne kumona bantu ke bende mwaila bisho byabo, kabiji kasa balanguluka mba kijitu bulongo, kabiji kechi kwajingapo jishinda ja kwi balulwilamo ne.

⁴⁹ Mambo, bailenga monka mubuzha, mambo twayuka mba unowa byonka byo ubyala, nangwatu wikale ng’anyi, byo uji. Kabiji atweba nobe kyaalo twanowa, nangwa, twa byaala, byonkabyo, kabiji twafwainwa kunowa. Amiwa kambanga keesha, inge Nkambo waswa, kimye kya mute, pa *Bisaso Byalusemo*; kabiji Na—kabiji Na kwata pa kyokyo, mambo kechi twakonsha kunyema ne. Twafwainwa kunowa kyo twabyala.

⁵⁰ Kabiji inge Lesa wakonsha kwituleka nao a kutwala mungi Bwinakilishitu leelo, kabiji ne kutwala bantu mungi mu bibye bintu bitelwa—mba Bwinakilishitu, nobe byaambile Mulongo Moore kimye kimo, “Aye kikamuwamina kusangula Sodoma ne Gomola, kabiji ne kulomba lulekelo lwa mambo pa kwibasoka.” Abyo ibyo, mambo Lesa ukijitu waoloka. Kabiji mwaila bumbulwa koloka po bwafika; kya—kyafwainwa mwaila buzihile Bwanji ne Kyambo Kyanji amba Aye ulengela bantu kunowa byo babyajile, kabiji kiketubilwa monkamo.

⁵¹ Pano monai Aye bamushile, Nsulo ya meema abumi, kabiji ne kwipoila abo bene mishima.

⁵² Pano kwakonsha kwikala muntu muno wabula kuyuka kana mushima kyo kika. Mushima ke tanki walenga—muntu akyo kisenda kifulo kya jilayo. Ke kintu kimo muntu kyo aapoya.

Kabiji baanga bayuka kana mushima kyo kika? Kyawama. Kijitu bulongo, bantu bavula baji muno lukeelokelo bamumizhi. Nanchi abo... Navuluka mushima wakala pa mpuzha, byo amwekanga, kabiji Najinga bingi na moyo wakutoma mu kyokya kintu. Kyajinga ke—ke tanki walengwa—na muntu. Kabiji kechi ke kintu kya kuketekela ne. Kechi wakonsha kuketekela mu mushima ne.

⁵³ Pano kyonse kintu muntu kyo ooba kechi kikala kyawamishatu ne. Bino kijitu nobe aye—aye Nkambo wapaine kimye mu—mu—mu kwenda kwa bintu, ne ntanda kasa ibena kuzhokoloka; pamwaka pa mwaka, kimye kyonse po kikilang'anya, pajuba pa juba, paawala paawala, kabiji ne juba jazhika, kabiji kechi kikakekwa ne. Bino ma koloko a kila mukuwama otwakonsha kutana, akonsha kukakalwa mamineti avula mu ng'ondo umo, kwakubula ne luzhinauko. Bino, mwamona, kintu kyonse kyooba Lesa kyalumbuluka, pakuuba kyuba muntu kechi kilumbuluka ne. Nanchi kika kya kuswila byuba muntu, kasa mwakonsha kwikala na kyalumbuluka?

⁵⁴ Amiwa ng'amba kimye kyonse pe atweba bantu baki Pentekosito. Monai, twayuka, kabiji kechi twa—twafumamo mu ndoonda itabilwa, ya Lesa, atweba kechi twaketekela ne; bino twayuka mba mukachi ketu muji bantu basaka kufwanyikizha bantu bakwabo. Abo ke bumuntutu. Bakeseka kuuba byobyoy. Bekyubile mu Baibolo, “Umo, ‘Amiwa ne wakwa Paulo,’ ‘Amiwa ne wakwa Silasa,’” ne bintutu bikwabo. Bino abo—beseka ku pashang'anya byaubile muntu mukwabo nangwa kyo abena kuuba.

⁵⁵ Pano kika kyakuswila kupashang'anya kwabubela, meulu kasa ayula na bintu byakine, bino “mulaye uji kwi anweba ne baana benu”? Kika kyo twafwainwa kuswisha kintu kyapusanako? Kika kyo twafwainwa kulondela kisho nangwa mafunjisho a kipwilo, bino Babilo kasa aaji Kyambo kya kwa Lesa kyabulwa kubikwamo bintu bingi ne? Kika kyo twafwainwa kweseka kubikapo nangwa kufumyapo, Nkambo Yesu kasa aambile mu Lumwekesho 22:18, “Yense wa kufumyako Kyambo kimo ku Kikye, nangwa kubikapo kyambo kimo ku Kikye, lubaji lwanji lukafumishiwamo mu Buuku wa Bumi”?

⁵⁶ Kimye kitanshi Lesa kyo abikile muntundu wa muntu pa . . . pa ntanda, Aye wibabuujiile amba bekele ku Kyambo Kyanji. Bino Kyambo kya Lesa kijitu pamo nobe cheni, ye ubena kupita Nanji mu ngehena; kabiji cheni wanji wikalatu wawama ponka palubaji panekena po anungakena, bino Lesa ubena kwitukeba amba tulame Kyambo kyonse Kyakyo. Pano alwa lwajinga lubaji lutanshi lwa Baibolo; konaunapotu Kyambo kimo, kwatwajile muntundu wa muntu mu fishi ya lufu.

⁵⁷ Yesu waishile pakachi ka Baibolo, kabiji Aye waambile mba, “Muntu kechi ukekela ku shinkwa bunke ne, kana ku Kyambo

kyonse.” Kechi lubajitu lumo lwa Byambo ne, nangwa naitenaini pa aduleendi ne; pakuuba Kyambo kyonse, nobe byonka byajinga Eva ne Adama.

⁵⁸ Kabiji pa kupezhako kwa Baibolo, Lumwekesho 22:18, Aye waambile mba, “Yense ukafumyamo Kyambo kimo Mumwe, nangwa kunungapo kyambo kimo kwi Akyo!”

⁵⁹ Nanchi kika kyakukebela kubikamo Muumwe milanguluko ya muntu, aaye kasa iji Milanguluko Yanji Lesa pa kikye? Tubena kukeba kusendapo Aye kyo aambile. Kabiji ne apo kyanembwa mba, “Lekai kyambo kyonse kya muntu kikale kyabubela, kabiji ne Kyami kikale kya Bukine.”

⁶⁰ Alo lwajinga lukatazho na yuwe ngauzhi. Mu mooba akwa Yelemiya, aye wajinga ngauzhi, wajinga na Kyambo kya kwa Nkambo. Kabiji awe mulongo waesekelenga kubikamo kintu kimo mwi Akyo. Bino, kechi kyakonsha ku ketekelwa ne. Kabiji Amiwa mbena kupashang’anya ao mantaki ku iye ndoonda yo twaeseka kuuba, ne kusenda kifulo kya Kyambo kya kwa Lesa kyajingako patanshi.

⁶¹ Mambo, kechi kuji kyakonsha kusenda kifulo Kyakyo ne. Ke Lesa. “Mu ntendekelo mwajinga Kyambo, ne akya Kyambo kyajinga na Lesa, ne kyokya Kyambo kyajinga Lesa. Kabiji akya Kyambo kyamwekele ke muntu ne kwikala wayikele muno mwetu.” Kabiji Bahebelu 13:8, waamba mba, “Aye ujitu pamo keesha, leelo, ne myaka yonse.” Twakonsha kunyema byepi kufuma ku Kyokyo? Kyafwainwa kwikala kya Bukine. Aye ujitu pamo. Aye ujitu pamo mu musango uji yense.

⁶² Ao oene mambo anweba kyo Mwikyumvwina bulongo, anweba ba Baptist ne ba Methodist, kabiji Bakatolika ne ba Presbyterian, kabiji ne bakwabotu, bomvwa bulongo kyokya Kyeenyi. Kuntu kumo, mwi obewa, wa muswa Lesa. Kapepo kimye kimo mujishinda ja maana a bumuntu, kapepo anweba mwaumvwapo Bulume bwa Lesa, kabiji anweba mwi bakalume bakwa Lesa; pakuuba umvwe kine mwaiya kwi Lesa, kabiji ne kutuluka kifulo kyenu mwi Aye, nobe mwaana wamulome nangwa wamukazhi wa kwa Lesa, akyo kyo kileta akwa kumvwa bulongo mwi obewa, aako Lesa ko akebele amba wikale nako.

⁶³ Pano twamona mu Mako Wazhila, kyapitala kyabu 16, Yesu kechi waambile mba, “Yainga pantanda ponse, na—na—na kufunjisha.” Aye waambile mba, “Yainga mukasapwile Mamboawama.” Kusapwila Mamboawama, ke, kumweshwa Bulume bwa Mupashi Wazhila! “Yainga pano pantanda ponse, kabiji mu kamweshe Bulume bwa Mupashi Wazhila.”

⁶⁴ Kwamba ku mulongo, umo ulipila mali pa bya . . . mpwijilo yami mu India, ku Bombay kookwa, akwa ku South Africa ne ku mampuzha apusanapusana, aako bamishonale Bekifunjisha nobe kyambo nangwa nobe milangulukotu ya bumuntu. Bino juba jimo mu mpwijilo, Mupashi Wazhila byo aikijile,

Ayemwine, ne kupulusha sate sauzande bangikazhi bamvwalatu myemba pa lwito lumo lwa pakitapisho, kabiji ponka pa kifulo kimo po baimene. Banabakazhi baimene popa, bajinga mulekese pepitu nobe byonka byo baishile panopantanda, kabiji pa kyonka kimye kyo basutwiletu maboko abo mu kumutambula Kilishitu . . .

⁶⁵ Kabiji Mupashi Wazhila waponene payoya mpuzha ne kubuka bantu tweti-faivi sauzande pa kimye kimo, ba mubipona byamawilo, mibanda ne makila. Bameeya ba siiti bangichile, juba jalondejilepo, amba mone pa kimbayambaya wailenga mu mukwakwa wayula bintu.

⁶⁶ Aba banabakazhi baimene popa, mulekese, kwakubula kuyuka mba baji bwamba. Bino ponkapotu Mupashi Wazhila byo ebaponene, bavungile maboko abo babweela bafumako ku meso a banabalume baabo.

⁶⁷ Kabiji Amiwa mbena kukumya atweba bena America twiteela atweba bene mba kyaalo kya Bwinakilishitu, kabiji amba tuji mu Kyeenyi kya Lesa; kabiji pa mwaka pa mwaka atweba, banabakazhi betu, bavuula byavula. Kabiji anweba yenu mwafwainwa kumvwalanga byavula. Kabiji Kilishitu wavula ye mumvwala, momonka mo mukekela na buyuke bwa byubilo byenu. Kimye kimo Amiwa mona bantu byo booba pa mukwakwa, Amiwa kumya kana kijitu bulongo mwaila milanguluko. Kimweka nobe kechi bayuka kyokyo ne byo booba kyokya, byo babena kuuba, babena kwilenga abo bene kwikala ke kiteyo kyakwa diabola, ne kutuma myeo ku ngehena. Abyo ibyo. Bino ntanda iji mu buubole nobe byokyajinga mu moba akwa Yelemiya.

⁶⁸ Pano kubwela ku mushima. Pano, awe mushima kechi wakonsha ku ketekelwa ne mambo kechi wakonsha kwiyuzha aye mwine ne. Kabiji uketekelatu pa mvula inoka muyoyo mpuzha ku muyuzha, mvula wa muyoyo mpuzha nangwa kusangululwa kwa muyoyo mpuzha, kwikala na kusangululwa kucheche *papo* kabiji ne kusangululwa kucheche *kokwa*, nangwa bikwabotu, pakuuba mba ayuzhiwe. Nanchi kechi wakonsha kuketekelwa ne. Kuuba wiyuzha aye mwine ne. Kechi wafikilamo ne, kwi ayemwine. Kechi wakonsha kwikyuba ne. Kabiji waketekelatu pa mvula, pakuuba mba ayuzhiwe.

⁶⁹ Pano twayai tumone kwepi ko—ko afumya mvula waji, kwepi ko afumya meema anji, mushima. Afuma peulu ya bipaka, matala, kuji ndochi yonse yululukilako na mwela, yomvwewa kuya mu mvula, kabiji ne kuya mu mushima, kyakulaminamo meema kyalengwa-na bantu. Kikala pepitu nobe moomwa muya byandochi. Kabiji kyomvwa peulu ya mitenge ya bipaka amo banyama bonse, binuka kufuma mu kijilamo banyama, kabiji ne bikwabotu, ne kushikama panshi. Kabiji mwela upupila alwa—

alwa lukungu ne bitutu bikwabo pa kipaka, apo po peeya mvula wa muyoyo mpuzha na kwibyomvwa, mvula, kwibifumyapo.

⁷⁰ Kabiji meema asendwa na mufolo walengwa-na muntu kupita mu kizhiba, kuya mu tanki walengwa-na muntu. Kabiji inge afika momwa, ke ndochitu, ekala na ndochi bingi kanatu apita mu kiruso, inge ne kechi mwakonsha kwi atoma ne. Pano, monai, ke komvwa kufuma pa mutenge, kupichila mu mufolo walengwa-na muntu, kizhiba kyalengwa-na muntu, kuya mu tanki walengwa-na muntu. Kabiji akyo kiji na kiruso kyalengwa-na muntu kyabikwa peulu yakyo, kumona mba bilongolo ne bintutu bikwabo kechi byayamo ne.

⁷¹ Pano, pano twamona, mu bibye, moobatu acheche panyuma ya kushikama moomwa, mu yuwe walengwa-na muntu dinomine- . . . , nangwa, tanki. Ndekelaiko mambo. Ndekelaiko mambo. Kijitu bulongo. Panyuma ya—ya komvwewa, ku misango yonse ya masukuulu a mambo awama ne bintutu bikwabo biya monka; pano twatana kuuba mba, inge aikala moomwa pa moba acheche, ekala abula kupita.

⁷² Kabiji muntu yense wayuka, mwaila jishimikila ja kipwilo, inge Lesa watumapo kintu kimo, mbila, kabiji ikala ipya kufuma kwi Lesa, nanchi pa—pa kufwa mutanshi mwi nabyo (nangwa kikale kyamusango ka, utelwa mba, walulula bintu, nangwa monse momwakebela kwi kyambila), panyuma ya lufu lwanji, ponkapo bekala na tachikilo ya nyingijilo ne kulengamo kabungwe. Kabiji inge balengamotu kabungwe, ponkapotu kifwa. Kechi kisangukapo jibiji ne. Kyubiwa byonkabyo kimyetu kyonse, kunyuma, kubwela kunyuma kwiine.

⁷³ Kupana mushingi kuyiwe pulisiti waku Katolika waikala papo; kimye Lesa kyo abungizhe kipwilo . . . nangwa, kechi kwikyalula bukabungwe ne, Lesa kechi walula kipwilo ke kabungwe ne. Aye kechi uji mu yewo musango wanyingijilo ne. Aye uji mu kusemwa, kechi mu kabungwe ne. Nanchi, Lesa watatwile kipwilo pa Juba ja Pentekositi. Kabiji pa kwiya kufika ku Nikeya, Loma, be kyalwile ke kabungwe, kabiji ponkapatu ipo po kyataijile Bulume bwakyo.

⁷⁴ Pano twaiya kufika ne ku kwalulwa kwa bintu kwakwa Luther, kabiji kyajinga kintu kikatampe bingi. Akyo Kyambo kya Lesa kyapainwe, “Baoloka bakekela ku lwitabilo.” Kabiji byo bekyubile, mu kifulo kyakuya palutwe, bonse pamo, bonsetu pamo ne kwenda kuya kulutwe, balengelemo kipwilo kya Lutheran, kwi abanya abo bene kufuma ku jije jibumba, kabiji byo byo kyafwile.

⁷⁵ Kabiji Lesa waimenye John Wesley, na kutokeshiwa, mbila ya mwingilo wa bubiji wa lusa, kabiji kyajinga kintu kyawama bingi. Bino panyuma yakwa Wesley ne Asbury, be kyalwile ke kabungwe, kyafwile.

76 Kabiji kwaishile ba Pentekosito na kubwezwiwa kwa bya bupe. Baubilengatu bulongo, kika kyamwekele? Bekyalwile ke kabungwe kabiji byo kyafwile. Kine byonkabyotu.

77 Bino mukachi kabyonse bye, Lesa ubena kwita bamushala kufuma mu byonse bye bisemi. Aye kine ubena kwikyuba. Kabiji ke kimye kyetu kya kulupukamo, ne kupwila pamo. Kabiji abyo byo Nalanguluka, ja ba Full Gospel Business Men baingila mwingilo wabaya bingi wa kukundula bibye bibumba, kabiji ne kwamba mba, “Kechi mujipo lupusano mwi atweba ne. Twayai twiye pamo ne kupopwela Lesa na kishina kimotu, kechi mu bukabungwe ne.” Inge kyajinga mba kabungwe, Amiwa nafwainwa kufuwapo pano pa pulatifomu ponkapano. Amiwa kechi jipo na kintu kimo kyakuba nako ne.

78 Kyo kika, kyafwainwa kwikalatu lumvwang’ano lwa bupopweshi, kabiji kechi lumvwang’ano lwabupopweshi mu mafunjisho a kipwilo ne, pakuuba lumvwang’ano lwa bupopweshi mwi Kilishitu, kupichila mu bulume bwa lusanguko Lwanji. Akyo kyo kintu kileta Bumi, kileta kusemwa.

79 Kabiji kusemwa kasa kukyanye kwikalako ne, twalanguluka mba kwafwainwa kwikala lufu. Kabiji kusemwa ke kintu kyabusaji, Amiwa kechi nasakamana ne nangwa kwikale kusemwa kwamusango ka. Inge kiji mu kipaka kya bangulu, nangwa—nangwa musango yense mo kyaikelamo, kyabusaji. Kabiji byo kuji ne Kusemwa kupya, kwakonsha kulengela obewa kuuba bintu abyo patutu kechi wakonsha kulanguluka mba wafwainwa kwibyuba ne. Pakuuba inge winengezha kufwa ku bumuntu bobo, nanchi obewa wasemwa jibiji, kilengwa kipya mwi Kilishitu Yesu, apo bintu, bishikulwa kabiji bumi bwikala ke kimonwa kipya kwi obewa, mambo obewa wamutambula Muntu wa bu Yesu Kilishitu, kabiji kechi bya kufunda ne nangwa mafunjisho a kipwilo ne.

80 Nangwatu, mu Kyambo kyanembewa, Kyafwainwa kusangululwa na Mupashi Wazhila. Nangwatu ufunde byepi masukuulu a mambo awama, kyalala popa kasa kyafwa. Nakonsha kwikala na mukono wayula wichi; poso waikala numusango wakuuba mba asangululwe, inge ne wichi kechi ukekalapo na bumi ne. Kabiji wakonsha kwikala na digili wabu dokotala, Ph., LL., kyonse kyo mwakeba; posotu Mupashi Wazhila waiya pa kyokya ne kukusangulwila kyo, ke kya bumuntu bobo kyakupitamo na Lesa, apo wichi kechi wakonsha kuubapo nangwa kimo kyawama ne. Kufunda koobe ke kwatutu.

81 Nobe byaambile yuwe mu English juba jikwabo kuno, Nakuminye bingi pakyokya. Kufunda konse ko ajinga nanko, obe Paulo, aye walubilemo byonse byo ayukile, pakuuba mba a mutaane Kilishitu, ne kuuba bintu abyo byo a bujile kulanguluka mba nakonsha kwibyuba ne.

⁸² Nangwa byonkabyo jo jishinda jo obilamo Lesa, Aye witulengesha bumvu na ndonda ya bya kufunda kwetu. Kechi kuuba mba Amiwa mbena kutundaika bulubi ne, pakuuba mbena kukebatu kwi mubula lupusano lujipo. Kufunda kechi kwakonsha kuleta Bumi ne. Kisendatu Mupashi wakwa Lesa mu kuleta Bumi, kabiji abwa Bumi kechi bwakonsha kufumatu mu kusangululwa kwa bumuntu ne. Kwafwainwa kufuma mu Baibolo, kusangululwa kwa Kyambo, kabiji Kyambo kijitu pamo keesha, leelo, ne myaka yonse. Kabiji umvwe Kyapona leelo, ne kusangulula, mwafwainwa kutambula mukumbutu umo yeka ye batambwilepo mu Byubilo 2. Kine. Kimye kyonse byo kyafwainwa kuuba, mambo ke Mupashi wakwa Lesa uleta byubilo byaitabilwa.

⁸³ Kisendatu byubilo byaitabilwa pakuuba mba bintu byubiwe. Ao oene mambo anweba banabalume kyo mufunjishiwa kuuba mba, “Letai baana benu kuno.” Kyawama, kine abyo ibyo. Amiwa najinga bingi na lusekelo pa kumona mwanawami wa mukazhi, Rebekah, watwela waikala, bimye bichechetu byapitapo. Anweba bamo mwajikumona byo naji kupana kiyukilo kya meso ku mwanamukazhi, wajinga mwanawami wamukazhi, nanchi waji kwiya waikala. Amiwa mbena kumukeba mba atambule lubatizhilo lwa Mupashi, kabiji akyo kyokyo aikela muno mu mpwijilo. Akyo kyo kine kintu. Kisenda byubilo byaitabilwa.

⁸⁴ Nobe byonka byaambanga Dokotala Bosworth mba, “Mwakonsha kusenda jike ne kwijibika pa kaana kanyama, mu katotoka nzolo.” Kika? Mambo ke jike kabiji jiji na byubilo byaitabilwa.

⁸⁵ Amiwa kechi nasakamana ne inge wi Methodist, Baptist, Presbyterian; mu byubilo byaitabilwa, mukafuma mwaana wasemwa mupya wakwa Lesa. Kijitu ku byubilo byaitabilwa byo bikyuba, nangwatu wikale na kayukilo ka dinominesheni wa musangoka.

⁸⁶ Amiwa nafunganga bang’ombe. Namwenenga mukulumpe utala pajiisaka byo twibatwalanga mungye, monka—monka mo bajila mu bipaka, kabiji ne kwi babika mujiisaka. Aye waimananga byobya na kumona byo babena kupita pa kibelo kya kipaka, pa kipaka kyenda na mwela. Aye kechi watelengako maana ku musango wabo ne, mambo kwajinga misango yavula bingi yapichilenga popa. Bino kwajinga kintu kimo kyo atajilengapo, kiyukilo kya mashi. Wafwainwa kwikala wa mukisemi kya Hereford inge ne kechi wakosha kutwela mujoja jiisaka ne, mambo ke Kipamo kya ba Hereford kyo kijishisha mujoja jiisaka. Wafwainwa kwikala na kiyukilo kya mashi, pakuuba mba ekale na nsambu yakusemununa.

⁸⁷ Kabiji Naketekela mba byo kikekala ne pa Juba ja Buchibishi bwamambo. Aye kechi ukangimpuzha ami kana

Najinga waki Methodist, Baptist, Pentekosito, nangwa Presbyterian, pakuuba Aye ukatalanga pa kiyukilo kya Mashi. “Inge Namona Mashi Amiwa kakupitaila.” Akyo kyo kintutu.

⁸⁸ Nanchi twamona mba aaye mishima, inge yabanda, ikala . . . ikala yashikama kabiji kechi iwama ne. Kabiji nanchi ikala, ne ayo, ke mizhi ya babombwe ne misobela ne milololo ne bilongolo ne tubishi, kabiji ne bikwabotu, mambo musango wakushikama utwela monka. Mwakonsha kulanguluka, komvwewa kufuma pa mutenge wa kipaka, nangwa kufuma pa nzubo iji kwipi kipaka, nangwa kuji kose kwafwainwa kwikala ndochi, musango ka wabilongolo ne tubishi, ne bintu byonse, abyo bimpomokela muyuwe mushima?

⁸⁹ Nanchi, ke kyakumwenako kyawama bingi kya musango wa mutachi walengwa-na muntu. Aye kyanji kyakukankalwatu, tatwilo byo iji. Ao oene mambo kyo akebela Mupulushi. Aye kechi wakonsha kwipulusha aye mwine ne, aye kafwako kyo akonsha kuba pa kikye ne. Aye walubilamo, kyakutatwilapotu. Aye wasemekwa mu ntanda, mubi, waiya mu ntanda kasa aamba bubela. Aye wabubela, kyakutatwilapotu, nanchi muntanda kika kyo akonsha kwi ubila ayemwine? Wakonsha kwikala byepi muntu wazhila?

⁹⁰ Kechi kujipo muntu wazhila ne. Kechi kujipo kipwilo kyazhila ne. Ke Mupashi Wazhila! Kechi kipwilo kyazhila ne, bantu bazhila; ke Mupashi Wazhila mu bantu, abyo byokiji. Amena. Kechi mutumba wazhila apa paimene Petelo ne bakwabo; mutumba kechi wajinga wazhila ne. Pukuuba ke Lesa Wazhila, pa mutumba, ye walengejile mba pekale pazhila. Kechi muntu wazhila ne; ke Mupashi Wazhila waingijisha muntu, kika kyalengela kwikala kyazhila. Kechi ke muntu ne; pakuuba ke Muntu wa bu Mupashi Wahila! Kechi ke muntu ne; mambo, aye ke muntutu, “wasemekelwa mu bubi, waimichilwa mu mizhilulwila, ne kwiya pantanda kasa aamba bubela.”

⁹¹ Ntachikilo yonse yalengwa-na muntu ikamulama mukyonka kyo. Aye ukampofula meso bafunda ku kyokya kintu, meso abafunda, kasa balanguluka mba, “Amiwa ne wa ku kipwilo, jizhina jami jiji mubuuku. Amiwa nauba *kikye*. Bataata bajinga *bibye*, ne bikwabotu.” Akyo kyumvwanyikatu bulongo; abyo, byokiji, kafwako kyatama kyakwambapo pa kikye ne. Bino nangwa byonkabyo, Yesu waambile mba, “Kanatu muntu wasemwa jibiji, kechi wakonsha kumona ne,” *monai*, popo, kechi kyalumbulula mba kumona na meso anji ne, pakuuba, “*kukwatakanya* Bufumu bwa Mwiulu.” Posotu wasemwa monka!

⁹² Kyakonsha kwikala byepi awe musapwishi waki Baptist, byepi awa mwanamulume waimene popa na kujimbulula kabiji ne Kwikyendeleka? Monai, kafwamo kiji mwi aye kyakonsha Kwikitambulwila ne; bino Lesa wikyubile, mwamona. Lesa

wamupele Mupashi Wazhila. Aye wasolokele mba abwe kechi bwajinga bukafutufutu ne, akye ke Kyambo. Aye wikyumbwatu kufuma ku milaguluko ya sukuulu, kabiji beseka kusenda onse aa—aa mapesho a kwa Lesa ne kwi abika pa juba japita kunyuma.

⁹³ Mwanyike musapwishi waki Baptist, kuno konka kechi papita myaka yavula ne, waikala monka muno lukeelo luno; kabiji waishile kwi amiwa, ne kwamba mba, “Mulongo Branham, pajipo kintu kimo kyo ubena kuuba kkyatama.”

Naambile mba, “Nkwashai ami.”

⁹⁴ Kabiji waambile mba, “Obewa, Nalangukuka mba wi muntu wakishika kabiji wawama, bino . . .”

Naambile mba, “Nemusachila, mwane.”

Aye waambile mba, “Bino kuji kintu kimo kyo ubena kutamisha.”

Naambile mba, “Naketekela namba Nkambo atanepotu kintu kimo kkyatama.”

⁹⁵ Kabiji aye waambile mba, “Kyawama, kuji . . . Akye kyo ubena kuuba kyo kkyatama.” Waambile mba, “Obewa ubena kweseka kuleta nyingijilo ya butumwa ku ntanda, kabiji,” amba, “nyingijilo ya batumwa yapwile na batumwa.”

⁹⁶ Naambile mba, “Byoji Baptist ku mukwabo Baptist, Nakeba ku kwipuzhako jije jimpuzho.”

Waambile mba, “Kika?”

⁹⁷ Naambile mba, “Bushe waketekela mba Kyambo kya Lesa kyanembeshiwa na bulesa, Kyonsetu nyi?”

Aye waambile mba, “Kika, kyakine.”

⁹⁸ Naambile mba, “Nanchi, Aye waambile mba, ‘Kechi mubikeko kyambo kimo ne, nangwa kufumyako Kimo.’ Mambo,” Naambile mba nanchi, “Amiwa nsakukumweshwa kwafumine Mapesho butumwa kwiya pa bantu, kupichila mu mulaye wakwa Lesa, pano mweshe mulaye wakwa Lesa kabiji ne kimye kyo afuminepo pa bantu. Monai, inge kechi wakonsha kuleta kyokyo mu Kyambo ne, nanchi—nanchi lubakotu pa kikyeye, mwamona,” Naambile mba, “mambo abena ku Kiyatu kulutwe.”

⁹⁹ Aye kechi wakyambilepo kintu ne pa pichile mamineti acheche. Kabiji nanchi Naambile mba, “Kyawama, pano, mulongo, Nakeba ku kwimpuzha kikyeye. Petelo ye waletele mbila ya butumwa, pa Juba ja Pentekositi. Kabiji atweba bonse twayuka mba kyakine, mambo ye wajinga na baki ba Bufumu, abo Yesu bo a mupele. Kabiji pano monai byo aambile. Aye waambile mba, ‘Lapilai, anweba bonse, kabiji ne kubatizhiwa mu Jizhina ja Yesu Kilishitu mululekelo lwa mambo, kabiji mu katambula wabupetu Mupashi Wazhila. Mambo mulaye walailwa anweba, ne ku baana benu, kabiji ne baji kwalepa,

kabiji ne bonse mo bavujila Nkambo Lesa wetu bo aketa.' Kabiji umvwe paji kifulo Aye po ekifumishepo, nanchi kika kyamwekele ku byambo byakwa Petelo pa Juba ja Pentekositi?" Mwamona? Ine, kechi kyapwile ne!

Obewa Mwanamukoko ubena kufwa, Mashi

Obe awama

Kechi akataya Bulume bwao ne,

Poso Kipwilo kya Lesa kyapotwa

Kyapuluka, kubula kulenga mambo jibiji.

Pano na munema, lwimbo wawama,

Nkemba Bulume Bobe bwa kupulusha,

Apo lujimi wabu kamulanda, wakikukuma

Byo akazhindama mu kilende.

¹⁰⁰ Lesa nkwashai ku ketekela Kyokya kabiji ne Kwikikwachisha, ne atweba bonse, kabiji ne kwimana Nakyo, mambo Abwe ke Bukine bwa Mamboawama! Ee, mwane.

¹⁰¹ Muntu wamaana kechi wakonsha kutala ku bibye bintu ne. Kabiji wayuka mba kechi byakonsha kwingila ne. Kechi bya kingilapo kala ne. Bupopweshi bwa bu kabungwe ne byakupitamo bya bukabungwe kechi byakonsha kwingila mu Kyeenyi kya Lesa ne. Kyafwainwa kwiya, kyabulamo kumvwanganakanamo na bintu bikwabo, pa kufuma kwi Lesa. Kechi byakingijishiwapo kala kwi Lesa ne, kechi kwajingapo kimye kunyuma apo Lesa po aingijishepo aaye tanchikilo ne. Pano anweba, oo, mwikala na bamembala ne bintu byamusango yekawa. Bino Amiwa mbena kutazha mu Lunkunwa wakine wa Lesa, Mapesho aji nobe aponene pa Juba ja Pentekositi, kechi kyaishile na kabungwe ne; kiiya na kusemwa, kusemwa jibiji.

¹⁰² Twaitwa mba tutoole Isalela kwikala kya—kya kumwenako, monka mo baikajile. Monai, "Abo bamukana Aye, nsulo yabo yanengezhiwa, kabiji ne kwisongela abo bene mishima." Mwakonsha kulanguluka akye—akye—akye—akye kintu, inge muntu uji pa nsulo ibena kutupauka, na kutoma, kabiji ke akebe ku mwalula ke mushim, monai, kuuba mba atomengamo? Pano abyo ibyo ngauzhi byo aambile, byo byonka byaamba Kyambo kya Lesa. Abyo ibyo Lesa byo aambile kwi ngauzhi. "Anweba mwankana Ami ne—ne kusha Amiwa, Nsulo ya meema bumi; kabiji ne kwipoila anweba bene mishima, ayo yalalaika, kabiji ibena kusuuma."

¹⁰³ Monai kintu kimo, bakebelenga kintu kyobakonsha kuzhalulula, nangwa kumweshi bintu byo bauba. Abo bo—abo bo bulwanyi bwa bupopweshi bwa bu kabungwe. Kimye kyonse kikekalatu kya kweseka, bafwainwa kwikala na kintu kimo mukachi kakyoo. Bafwainwa kwikala na yonse ye tanchikilo ne bipamo, kabiji ne bintu bikwabo, "Kabiji amba Nalamata ku *kikye* pano." Mukifulo kya kwikalatu baana bekepesha ba kwa Lesa, bakeba kintu kyo bafwainwa kwimweshi abo bene.

Mukifulo kya kuleka Lesa wikyuba mujishinda Janji, bakeba kwikyuba mu jishinda jabo abo bene. Kabiji amo imo tanchikilo ya bintu mo mwaya ne kipwilo leelo. Kechi. . . Kila mutanchi, umo wikikebela mu *yuwe* musango, umo wikikebela mu *joja* jishinda. Inge wi Methodist, mwafwainwa kwi kyubila *mumwe* mujishinda. Waki Baptist, *jije* jishinda. Waki Presbyterian, Katolika, ne bikwabotu bijiiko, baji na tanchikilo yabo. Kechi paji kyatama pa kyokyo ne, bino akyo kechi kyo Mbena kwambapo ne.

¹⁰⁴ Muntu ukeba kwi kyubila mujishinda janji, kabiji Lesa uji na jishinda Janji ja kwi kyubilamo. Kabiji Aye waambile mba, “Anweba mwalamachila ku jishinda jenu, mushima walajika; kabiji kechi mwakonsha kwitaba jishinda Jami ne, jishinda ja Bumi.”

¹⁰⁵ Kabiji akyo kyo kintu kimo byo kiji ne buleelo. Kechi kyapusanako nangwa pacheche ne. Langulukai ku kosama kwa muntu kusha nsulo itupauka meema atoka abena kuselauka, kabiji pano aye ke akebe kuya ku mushima walajika ye alengele aye mwine, kabiji ne ku mupoila mushima, uji na mufoolo wapita peulu ya kipaka ne kwi kyomvwela monka, kabiji ne kutoma monka. Apo pajipo kintu kimo kyalubankana ku bongo kuyuwe muntu.

¹⁰⁶ Kabiji umvwe muntu walamachilatu ku—ku milanguluko ya busapwishi bwa kyokya Kinembelo, mukifulo kya kuswa Mupashi Wazhila ao ushinikisha Kinembelo ne kwikilengela kyaikala kya Bukine kwi obewa, pajipo kintu kimo kyatama ku mupashi na yewa muntu. Abyo kine ibyo. Kine, aye Mupashi Wazhila! Umo umo uji na ndumbulwilo yanji ya Baibolo, kyo walanguluka mba kijitu bulongo. Lesa kechi ukeba bukwasho bobo ne. Lesa kechi ukeba ndumbulwilo yobe ne.

¹⁰⁷ Lesa Wiilumbulula Aye Mwine. Lesa ulumbulula monka mwaila jishinda Aye—jishinda Aye jo aambilamo mba Ukekyuba. Aye Lesa waambile mu ntendekelo, “Kwikale kyeya,” kabiji kwajinga kyeya. Akyo kechi kikebewa ne kulumbulula ne. Abyo Lesa byo aubile. Aye waambile mba “kisungu ukemita,” waikele najo. Akyo kechi kikebewa ne kulumbulula ne. Waambile mba Aye “uketulwila Mupashi Wazhila pa bantu bonse,” Aye wiikyubile. Kechi kikebewa ne kulumbulula ne. Lesa ulumbulula Kyambo Kyanji Aye mwine kupichila mu Kwikishinikisha, kabiji ne Kwikimwisha, ne Kwikishinikisha.

¹⁰⁸ Amo imo ngauzhi mo ashinikishiwe kwikala wakwa Lesa. Aye waambile mba, “Inge mukachi kenu mwaikala umo, wa bu mupashi nangwa ngauzhi, Amiwa Yehoba kayukanyikwa Amiwa mwine kwi aye mubimwesho, ne kwamba nanji kupichila mu biloto. Kabiji ne byoaamba byafikizhiwa, ye mukachina; pakuuba inge kyabula kubiwa, kechi mu kekyube ne.”

109 Akyo kyo kintutu kimo inge Lesa waamba Kyambo Kyanji, kabiji muntu waamba mba, “Akyo Kyambo ke *Kikye*,” kabiji kyamweka muyekawa musango, nanchi ke Lesa ubena kwikyuba.

110 Pakuuba inge waamba mba, “Kiji *mujije* jishinda, kabiji mba moba apita,” kika kyo kisendela byonse bi... Aye utola shinkwa wazala, mu maboko anji, ne kupana ku baana, kabiji wabwela wafumyako kwi abo; kabiji ne abo bafwa nazala. Kika kyakukebela kutoma kufuma mu mushima kasa kuji nsulo itupauka kokwa?

111 Nga nsulo ya Bumi yo ika pano? Nga nsulo ya Bumi yo ika, nsulo ya Meema a bumi? Nsulo itupauka, twakonsha Kwiipashang’anyako.

112 Pano Nakeba kuba mba anweba mumone lupusano lujipo pakachi ka mushima ne nsulo ya meema a bumi; nsulo itupauka, kabiji ne mushima wakala walajika mwayula bilongolo, misobela, babombwe, tubishi, ne bika-bikwabo, mwamona.

113 Kabiji aaye yo nsulo itupauka. Pano monai kikye. Akyo kiitundaika-akyo kine. Anweba kechi mwafwainwa kwikala na ntachikilo ikatampe ne kabiji ne kubikamo mali avula mu kikye. Anweba kechi mwafwainwa kutwezhamo ba membala bavula ne. Akyo kitundaika bamembala bakyo, ba Mupashi wa Bumi mwi abo, kasa abena kwingila.

114 Monai meema afuma mwi akyo, apya, atoka kabiji a bulamo biko. Kechi mushima ne, kintu kimo kibula kupita akyo kyafunjishiwa na baji foote, ne milanguluko yapusana fiifite, ne kwamba mba, “*Akye* kijitu bulongo, kabiji *akya* kiji bulongo, kabiji *aaye* ndangulukilo,” ne ku vota kabiji ne kwita, kabiji monka mo boobila, kabiji balengamo dinominesheni mwi akyo. Ke kyangatoka ne kyabulamo biko, Kyambo kya Lesa kyabula kumvwangakanyamo, kibena kufuma kumaboko akwa Lesa. Ke iine nsulo itupauka.

115 Monai, kyafyamika kya bulume bwakyo kiji monka mwi ak yokine. Muntu kechi wakonsha kwikitana ne. Musango wa ngovu, panshi yakyo, ibena kulengela kwikitwala peulu.

116 Navuluka kimye Amiwa, kyo naubanga, najinga ngemu wadeni wa kibuji kya Indiana, Amiwa nayanga, ku Harrison County, mushima umo, unselauka meema akaba. Kimye kyonse kyanselaukangatu. Kabiji kyajingatu, oo, wamwekanga nobe uji bingi nalusekelo. Nangwatu sino uji panshi, aishi, achimba namashika, nangwa kwikale mashika byepi, wanselaukangatu; aako bizhiba byakala byalenga-bantu ne matanki, na babombwe kabiji ne bintu byonse, byajinga monka kasa byachimbila kumo, byakosa.

117 Kabiji aakyo kimweshwa kuuba mba dinominesheni uji yense, kubulatu Mupashi pacheche nangwa lupipu lwa mwela, kilengela kuchimba pakatampe bingi. Pakuuba nsulo itupauka

ya Lesa, Aye uji—Aye ujitu pamo keesha, leelo, ne myaka yonse, kilengela kwibinselaulamo byonse kabiji ne kwi bifumyamo. Kabiji kafwamo bijimo ne, kyakutatwilapotu. Kabiji kyonse kitwelamo, kikalupulwamo.

¹¹⁸ Akyo kintu kyanselaukilenga byobya, kabiji Naambile mba, naikele ponkapa juba jimo, Nalangulukile mba, “Naketekela mba Amiwa nsakwamba ku iye nsulo inselauka, pa kakimye kacheche.” Navujile kisochi kyami, kabiji Naambile mba, “Kika kyo wasangalela bibye? Kika kyo ubena kunselaukila bibye? Kapepo mambo diyala batoma mwi obewa, kimye kimo.”

Inge wakonsheshe kwamba, wafwajilwe kwamba mba, “Ine.”

Naambile mba, “Kapepo mambo Amiwa toma kwi obewa.”

“Ine, akyo kechi ikyo ne.”

¹¹⁹ Naambile mba, “Kyawama, kika kibena kukulengela kwikala watoka, ne kubulamo biko? Nanchi kika—kika kibena kunselauka, kibena kukulengela kunselauka, wayulamo lusekelo kimye kyonse, kabiji kafwako kyakonsha kukulengela kuchimba ne? Obewa ubena kutaya meema mwiulu, kabiji kafwako nangwa kimo ne, meema abulamo biko.”

¹²⁰ Inge kyakuuba yaambile kwi amiwa, mwayukatu byafwajilwe kwamba awa mushima? Wafwajilwe kwamba mba, “Mulongo Branham, kechi ami mbena kunseluka ne, ke kintu kimo kiji kunyuma yami, kibena kunselaula.” Kabiji akyo byokiji na...Akyo ke kyambo kyatama, bino mwayuka Monekitazha.

¹²¹ Kabiji abyo byokiji ne kyakupitamo-kyakusemwa jibiji. Obewa kechi wakonsha kwikikanya ne. Ke mu—mushima wa meema uji mwi obewa, na kunselauka kuya ku Bumi bwa myaka. Monai, pajipo kintu kimo pa kikye, kyakuuba mba obewa kafwako kyo wakonsha kuuba ne. Ma tanki alengwana bantu akonsha kuchimba, kabiji abo basashijila na kukeba kusangululwa ne bintutu bikwabo; pakuuba muntu uji mushi ya Nsulo, kasa aikala muyoya Nsulo, ke mute ne bufuku! Ine, kechi mwakonsha kupembelela mvula unoka muyoyo mpuzha kabiji ne kusangululwa kwa mumpuzha ne. Obewa wayulatu Nayo. “Amiwa nkamupa nsulo ya Bumi, mwi aye, kasa itupaukatu.” Mujipo kintu kimo Mwiakyo, apya pajuba pajuba, atoka kabiji mwabula biko. Ke Kyambo kya Lesa kyabula kumvwanganamo na bintu bikwabo akyo kiji mu muchima obe ne mukanwa, na kwishinikisha Akyo kine, kasa kibena kwiambilako Akyo kine. Amiwa kechi nasakamana ne nangwatu mvula ibena kunoka, nangwa mabebe abena kunoka, musangoka wa lubesha ujiko, obewa ukijitu walusekelo mambo Mupashi Wazhila uji monka kasa abena kutupauka. Ke Bulume bwafyamika. Monai. Oo, kyafyamika kyakyo kiji monka mwiakyo.

¹²² Kipana akyo kine, kyangutu, ku yense wakonsha kutoma kabiji ne kwingijisha bintu byakyo. Pano kechi wakonsha kutolapo kintu kimo ne, waamba mba, “Kyawama, pano Mbena kuyatu ku kipwilo kya Methodist mambo Amiwa ne Methodist, pakuuba mba sangululwe. Amiwa nkaya *kukwe*, bino (inge) Nafwainwa kuya ku Pentekosito mambo Amiwa ne kusangululwa kwa Pentekosito.” Amiwa mbena kukubula mba, inge uji na yewa mushima wa Meema kasa anselauka, aya Nsulo, inge ubena kutoma momwa, kechi pajipo lupusano ne, obewa panatu ku kintu kyonse kyakonsha kwiiya. Obewa ubena kuswa kupana luketekelo lwa Bumi ku Katolika, ku Polotesitati, ku Muyudeya, ku muntushi, nangwa uji yense. Obewa kine, kine ujipo na Kintu kimo mwi obewa, kibena kwikyuba.

¹²³ Mwakonsha kumona kintu kikwabo pa kikye, kechi mwafwainwa kwikimpoopa ne. Anweba kechi mwafwainwa kwi kindoosa ne, kabiji ne kwi kimpoopa ne. Amiwa namona byavula bingi poso byandengela ami nakolwa, mambo a ku mpoopa kintu kimo; na kumvumya nyimbo yavula, kabiji kutolaukila-peulu ne-panshi, nangwa—nangwa mulumba wa bya kutanga mu tauni, kabiji ne biyukilo bikatampe bingi, “Muntu wa kimye.”

¹²⁴ Kujitu Muntu umo wa kimye, kabiji aao ke Yesu Kilishitu, Ujitu pamo keesha, leelo, ne myaka yonse. Kujitu Muluwe umowafuma kwi Lesa, kabiji ao—ao ye Yesu Kilishitu. Ee, mwane.

¹²⁵ Obewa kechi wafwainwa ku mpoopela Kikye peulu, nangwa kwi Kindoosela panshi ne. Nangwa, mba ine, kechi wafwainwa kukwatakana Nakyo ne. Obewa wi Kitolatu, kyangutu. Amena. “Amiwa ne Nsulo ya Meema a bumi; anweba mwashiile Ami, ne kuya na kwilengela anweba bene matanki.” Pano anweba kechi mwafwainwa kwi Kimpoopa ne, kwi Kimpoopa, kwi Kindoosa, kabiji ne kunungakana Nakyo, kwi Kipooya, kafwako kikwabo ne. Obewa wafwainwa kwi Kitolatu, kyangutu.

¹²⁶ Obewa kechi ukebewa ne kisuso kya mafunjisho a mambo awama a lengwa-ku bantu ne, nangwatu, kukubuula mba upitemo mu Kikye, byo Kyauba. Kafwako. Bimo bya mafunjisho a mambo awama alengwa-na bantu a bya ntachikilo ya kufunda, bupopweshi bwa bololoke-bwa bumuntu mu *kikye*, mu *kikye*, nangwa mishima imo ya ntachikilo ya bupopweshi; kechi bikebewa ne. Kechi byafwainwa kwikalako ne. Mwabikapo kakisapi pa Kyokya, Kyafwainwa kutaiwa mwiulu. Kechi kijipo na kintu kimo kyakuba nakyo ne. Akyo kine-kikwasha! Ke Bulume bwakwa Lesa bubena kunselauka kuletwa mu Bumi. Kika muntu kyo akonsha kushiila kintu kiji Byobya, ne kutwela mu ntachikilo, abye byakila pa byo Nakonsha kwamba. Kechi kikebewa kisapi kyakususako ne. Kechi kikebewa ne. Kechi kikebewa kwikala na- . . . kechi kikebewa kushakamina pa mvula unoka mu yoyo mpuzha pakuuba mba kiyule ne. Kikala kyayula kimye kyonse. Amena.

127 Muntu umo, Ne bateleka abo kasa bamba mba, “Amiwa njitu mu milanguluko yapanshi leelo.” Oo, ami!

128 Oo, Amiwa njina lusekelo pa kwikala mu Kyeenyi kya Lesa, nangwatu bintu bibena kwenda bulongo nangwa kechi biji bulongo ne. Aye ye Bumi bwami. Amena. Aye ye Bumi bwetu. Aye ye Bumi, Bumi bwavula. Ee, mwane. Kabiji—kabiji monai byo Kitubila atweba. Bulume bwakyo ne tokelo biji mwi Akyo kine. Kechi kikebewa bukwasho kufuma ku mushima nangwa ntachikilo ikwabo ne.

129 Muntu umo waamba mba, “Kyawama, kitupa kyobe kya lumvwang’ano kiji byepi? Letai tumone kana wi Baptist wawama. Amiwa nsakumona kana uji na kitupa.” Nangwa—nangwa, “. . .Pentekosito wawama. . .inge wi Bu umo. . . Bu bubiji. . .Bu busatu.” Nangwa—nangwa “. . .monse mo kyaikela.” Monai, Kechi kikebewa kukwashiwa ne. Kimye kyonse kibena kuyatu. Ee.

130 Mwayukatu, Naikalanga na yuwe mushima wakala, Naichilangamo meema momwa ne kundoosa ne kundoosa ne kundoosa, kwingijisha mpopi wakala, pakuuba mba afumemo momwa; mwayukatu, kwichilamo meema avula mukachi, kabiji kwichilamo bilongolo ne bintutu bikwabo, pakuuba mba mumpoobe kufumyamo bilongolo ne bikwabotu. Abyo byo biji aaye misango imo ya kusangululwa.

131 Bino, nasachila Lesa, “Kuji Nsulo yayulamo Mashi, aamo babi mo batwela monka!” Kechi kulenga ba membala ba kipwilo ne; kulengamo Benakilishitu inge baiya ku Nsulo.

132 Kika kyakushiila Nsulo ya meema a bumi, ne kutoma pa kizhiba kiji byobya?

133 Kafwako ku mpooa ne; Bulume bwakyo buji mukachi Kakyo. Kechi kikeba bukwasho ne, ee, mwane, mambo (Akyo kine) Bumi Bwakyo Bwine buji mwi Akyo kine. Abyo byokiji Lukunwa wa Lesa uji mu muchima wa muntu. Abwa Bumi bwa Lesa buji monka muntu bunke bwanji, kechi mu kipwilo ne, mwi obewa, Buji mwi obewa, obewa yobe uji na kakishi ka Bumi mwi obewa.

134 Kutopapotu jimo ku Kikye kileta kushininwa ku bonse basapwishi. Impuzhai pulisiti wa ku Katolika, impuzhai ba Baptist, monse mo kyaikela. Kutopapotu jimo kwa yiye nsulo ikatampe itupauka meema, Amiwa mbena kwimubuula, kileta kushininwa mba Kya Bukine. Mwao wenu uji nazala, nangwa byonkabyo, kileta kushininwa ku yewa uji na kilaka, nangwa byonkabyo. Pano inge kechi ubena kumvwa kilaka ne. . .Awe Baptist wachepa mubiji, aye kechi waumvwininga kilaka ne, kya kutatwilapotu; pakuuba byo aumvwine kilaka, meema aumvwanikile bingi bulongo. Abyo ibyo, pakuuba wafwainwa kumvwa kilaka, “kilaka kyapeshiwa,” nobe Yesu byo e kitongwele. “Watokwa obewa umvwe waumvwa zala ne

kilaka kya bololoke, mambo mukekuta.” Amena. Yesu waambile kyokyo mba, mulunda. Ee, mwane, Ke Nsulo yapeshiwa bingi ku uji na kilaka.

¹³⁵ Kika kyakukebela Kwikipipula na Kizhiba kyetetamapo meema? Mwakonsha kutemwa byepi kupipula nsulo itumpauka na meema a pa kizhiba kyetetaminapo meema, payula bilongolo ne bintu byayulamo misango yonse ya ng’ambilo yalengwa-na bantu, akyo Lesa kyo aambile mba, “Kubikako kimo ku Kyambo Kyanji, nangwa kufumyako kimo kya mu Kyambo Kyanji, lubaji lwanji lukafumishiwamo mu Buuku wa Bumi”?

¹³⁶ Kabiji Lesa byo alayile mba Aye ukashinikisha kikye Kyambo mu kisemi kyonse, “Mambo mulaye walailwa anweba ne baana benu, kabiji ne bonse baji kwalepa, ne bonse mo bavujila Nkambo Lesa wetu bo aketa,” kika kya kumkoopela na mpoopi ao wayulamo ndochi pa myaka yavula, kufuma ku maana amo akala? Kapepo maana ajingatu bulongo, kechi pajipo kimo kyetama ne, mu moba akwa Martin Luther, mu moba a *kikye* kabiji ne mumoba *kyokya*, kabiji bakwabo bakwimenako lupipu, kafwako kyetama pa kikye ne; bino aa ke maana aponene kikye kyakala.

¹³⁷ Inge twamona mu Baibolo, be atolanga pa juba pa juba. Batolanga apya. Panyuma ya kubanda pacheche, a bolelenga. Kechi akonsha kubola kwakubula konaika ne. Afwainwa kwikala na mabbakitelya mukachi, nangwa kintu kimo kya—kya kulengela kubola. Twayuka mba byo kiji.

¹³⁸ Kabiji byokiji ne natachikilo! Panyuma yakwikala kufuma ku kusangululwa kumo kuya ku kwabo, kabiji ekala ayulamo ndochi ne kuyulamo bilongolo, kabiji kijitu pamo nobe mushima wayulamo bilongolo-byamikila, nobe byonka byotwibitelanga, bilongolo bicheche biminyangala momwa.

¹³⁹ Kabiji byokiji ne na bantu bavula mu byakupitamo kwabo buleelo. Bajitu na—bajitu bayulamo bilongolo-byamikila, kasa biminyangala kufuma ku umo kuya ku mukwabo, kabiji kufuma ku umo kuya kumukwabo, kubulang’ana bishimi byabulamo ne Bukine nangwa pachechetu ne. Abyo ibyo, ku minyangala kufuma ku umo kuya ku mukwabo. “Amiwa najinga Methodist; Natwela mu Baptist. Najinga waki Katoloka; Naikele *bibye*. Naikele *byobya*.” Ke bilongolotu-byamikila.

¹⁴⁰ Oo, lubaiko bintu byonse, kabiji iyai ku Nsulo (Amena!), nsulo ya Mushima utupauka, ke Kyeenyi kya Kilishitu kitanwapo-kimye kyonse! Namuketela mba Aye ye Nsulo ya Bumi ibula kupela. Mo byavujila byo mufumya kwi Aye, mobikela ke bipya, kabiji monka mo bikela byatalala, kabiji mo biyilakotu na kuwama. Amiwa mbena kumwingijila Aye pa myaka sate-fiili, kabiji pajuba pajuba buwame buyilakotu palutwe kukila byo kyajinga juba japita kunyuma. Amiwa kechi nakikalapo...Aye waambile mba kechi ukomvwapo

kilaka inge watoma ao Meema ne. Monai byo kyaikala kintu Kikatampe. Oo!

¹⁴¹ Isalela waubile byubapo bavula leelo, bamushiile nsulo ya meema a bumi, ne kuya na kwipoila abo bene mishima.

¹⁴² Pano kwamba pa lusa pa kakimye kachechetu, lusa lwa Lesa byo luji. Tuji na mizhilo ne mizhilo-yaicheche, “Kabiji umvwe anweba mwabula kufika pa kikye kipimo. . . Amiwa njina kipimo kya kinchi kya bupopweshi; inge kechi wakonsha kupimwa kufika pakyokyo ne, wafwainwa kufika, kechi wakonsha kutwelamo ne,” kabiji ne bikwabotu. Bino Lesa witupulusha monka ku lusa lwanji, kechi ku kinchi kya kupiminako ne. Mwamona? Bino Lesa, pa kwamba pa lusa pano, byo kyaubiwe, kutoma kwi Aye, kufuma ku kikye kinchi kyakupiminako. . .

¹⁴³ Kwijizhang’anya, kwijizhang’anya kwa Isalela. Talai, Aye waambile mba “Amiwa kemupepula jikwabo.” Monai mu Kinembelo. Monai, Aye wibesekelelenga, na kwibapepula jibiji. Kwijizhang’anya kwa Isalela, pa Kalunga Kachila, wibechile mba Bamulondele kupita mu meema abula kupita a mu Ijipita, pakuuba mba bekale bantu bakasuluka. Bajinga bazha. Baichilwe pakuuba mba bekale banababene, ne Aye. Balupukile kupita mu Kalunga Kalufu, Kalunga Kalufu; Kalunga Kachila, nangwa byonkabyo, balupukile kupita momwa, kuya mu kiselebwa, mu kuleta lwabano pakachi kabo ne booba baesekelenga kwipashang’anya, kwakubula mukanda.

¹⁴⁴ Oo, akyo kyo kyaletete lukatazho. Bonsetu baonawinwe monka mungy- . . . , nangwa, monka—monka mu kalunga, Felo ne mazhita anji. Bamwene bantu kasa babena kwenda na Bulume bwakilamo, nanchi babwelele kebeseke kupashang’anya kyokya, kwakubula kubikwamo mu mapesho. Kabiji byo bekyubile, baonawinwe. Ke kupashang’anya kwa bumuntu.

¹⁴⁵ Muntu weeseka kuuba kyokya, weseka kupashang’anya kintu kimo, nanchi awe ubena kweseka kupashang’anya kwa butushi na Mwinakilishitu wakine.

¹⁴⁶ Wami mulongo mwina India kuno wayuka kyokyo. Mwaiya ku Bombay kabiji mu kamona bantu kokwa, ma Hindus ne bakwabotu, balala pabintu byasana kabiji ne pa. . . kwenda pa galashi ne—ne kwenda pa mujilo, kumweshwa kuuba mba bakonsha kwi kyuba, kabiji ne bintutu bikwabo. . . Akwa kupashang’anya kwa bumuntu amwa mungye, ubena kuuba kyokya pa kupana kitapisho kwi lesa wanji.

¹⁴⁷ Twatana kuuba mba mukachi ka bumi bwa bupopweshi, byakupashang’anya kwa butushi, muntu umo ke eseke kwikala bikala mukwabo. Kujitu kyakumwenako kimo kyo wafwainwa kupasha, ke kwikala nobe Yesu Kilishitu, Ao wajinga Kyambo. Kabiji pano inge Kyambo kya Lesa kyaiya kwi obewa, kikekalatu musango umo.

148 Pakuuba Lesa wibatangijile kuya ku ntanda yamulaye, nangwa byonkabyo. Bataine mba, ne apo, tanki yense, byo batatwile kupita mu kiselebwa mulwendo lwabo, panyuma ya kwabana, bataine kuuba mba tanki yense wajingatu wauma, kwi abo.

149 Kabiji ukatanatu kintu kimo, mulongo, inge watatula lulwe lwendo lwa kuya mu Ntanda yamulaye. Mukatana bibelo byashikika. Nobe byonka byaambile yewa musapwishi wachepa mubiji, waku Anglican, nangwa musango yense ye ajingamo, kabiji, kintu kitanshi mwayukatu, kipwilo kyanji kya mupangilemo. Mwamona, kikulutu wajinga na bavula batambwile Mupashi Wazhila, aya yo yajinga mpelo yakyo.

150 Kabiji atweba . . . kabiji Isalela wataine kintutu kimo, nobe kya kumwenako, mulwendo lwabo lwa kuya ku ntanda yamulaye. Matanki ajinga auma. Ee, lwendo lwabo lwa lukokelo ku Kyambo kya mulaye Wanji, lwendo lwabo, mu matanki, bataine kuuba mba mwauma. Pano bataine tanki—matanki kechi ajinga akuketekela ne, palolwa lwendo.

151 Kabiji inge ubena kuya palwendo lwa kukokela Kyambo kya Lesa, kabiji ne kweseka kutwela mu *kikye* ne kutwela mu *kyokya*, mu ntanda wakonsha kutana kuuba mba kechi kujipo tanki mu ntanda ao Ukekitundaika ne. Kafwako nangwa pachechetu ne. Obewa wi muntu buke bobo. Lesa ukutangijila monka mujishinda jo Akebelamo kukutangijila. Nanchi, twatanatu kintu kimo buleelo, kabiji matanki onse auma.

152 Pakuuba milaye, kimye kyonse ikalatu yakine, kwi Lesa Ao ukalama mulaye Wanji ku bantu Banji. Aye walaile kwibapa byonse byakubila byabo, nanchi Aye waubile kyokya. Mukachi ka mwabula bintu, matanki auma, anweba kilangulukaitu; kabiji Isalela wijizhang'enyenga, monka mu kiselebwa, mu lwendo lwabo! Aye waichile kalume-ntangi Wanji, ngauzhi Mosesa, kulubaji lumo, kabiji washikwiile nsulo ya meema a bumi, ku Jibwe ja kupumako, pakuuba mba baana Banji balwitabilo babule konaika.

153 Mujino juba, jibena kwamba palusa, kwi ami. Atweba twi babula kufikilamo. Jishinda jo twaubilamo, jishinda jo twaikelamo, atweba twi babula kufikilamo.

154 Bino Lesa, mu jino juba, nobe ponkapano lukeelo luno, talai, ku ba Methodist, Baptist, Presbyterian, Katolika, ne bonsetu, Aye washikula Nsulo. Bahebelu 13 washinikisha kikye, amba Aye ujitu pamo keesha, leelo, ne myaka yonse. Nanchi kya—kyalengela kwikala wakine, Yoano 3:16, "Pakuuba Lesa byo abatemenwe bapanopantanda, amba Aye wapaine Mwaanaji Yenka umo, kuuba mba yense wa itabila mwi Aye kechi onaike ne, poso waikala na Bumi bwa myaka."

155 Kabiji washikwilwe na mambo abintu bibiji, mambo bantu banyinyichilenga ne kulenga mambo, kabiji basuminwe ku milolo kabiji bafwilenga; ne na mambo alulekelo lwa mambo abo, kabiji ne lubuko lwa misongo yabo.

156 Kabiji aya yo Nsulo yashikukila atweba leelo, mambo a lupulukilo lwetu kabiji ne lubuko lwetu, lubuko lwa ku mubiji. “Mambo Aye ujitu pamo keesha, leelo, ne myaka yonse.”

157 Kabiji aja Jibwe japuminweko na Kyambo kya Lesa kyalailwe, wakambizhe, Jalupwilenga nsulo ya meema awama atoka; kechi—kechi ashikama ne, kechi mwayula biko ne, pakuuba Kyeenyi Kyanji Ayemwine. Meema atoka, kabiji apulwishe bonse batomeneko. Pano twayuka mba akyo kyakine, mambo twikitanga mu Lulayang’ano Lwakala, nobe kipasha.

158 Pano, anweba kechi mwikindooselenga ne, kwi kimpooa, kwi kinungakanya, kuya ku sukuulu wa mambo awama na kufunda bya kwiengijisha ne. Bakemubuula mwakwingijisha kokwa, mwamona, “Oo, kyawama, anweba, inge mwatambula Mupashi Wazhila, twaketekela kyokyo, bino nanchi anweba— anweba mwikyubila *mujije* jishinda.”

159 Bino, mwamona, kechi kujipo kwikilamawizha ne. Obewa kechi wakonsha kwingijisha Mupashi Wazhila ne; Mupashi Wazhila ye wingijisha obewa, mwamona. Monai, kechi obewa ne, kechi yobe wakwingijisha Mupashi Wazhila ne; Mupashi Wazhila ye waishile mwi obewa. Kya bupe kechi kintu kyo wakonsha kutola ne, nobe mupenyi, kabiji ne kusongelako pezulu. Ke kwipanatu obewa mwine kwi Lesa, kabiji ne kufuma mujishinda obewa mwine pakuuba mba Mupashi Wazhila a kwingijishe.

160 Monai, kechi bekimpoopelenga nangwa kwi kindoosa ne, kabiji kechi baimpwizhenga ne, “Pano twakonsha kwingijisha byepi ao meema?” Mambo, bayukile mwakwiengijisha. bajinga na kilaka. Bayukile mwakubila nao.

161 Kabiji byokiji ne mwanamulume nangwa mwanamukazhi, kika, nangwatu lwikale lufunjisho lwa kipwilo byepi nangwatu dinominesheni kooatanwa. Inge uji nakilaka kya Lesa, aye kechi wakonsha kunyema lubilo kubwela kusukuulu ne, nobe byaubile yuwe mulongo waku Anglican, nangwa mulongo mwina Britain, bufuku bwapita, kechi wabwelele na kwimpuzha mwakwikyubila ne, ku kipwilo kya Anglican, mwakwingijisha kikye kyabupe kikatampe kyoaji nakyo, kwamba mujimi, kabiji ne byo afwainwa kuuba *kikye*. Bakonsha kumupangamo, kyakutatwilapotu. Mwamona? Aye wajinga na kilaka, nanchi Lesa wamuyuzhizhetu. Abyo ibyo bitanwamo mu kikye. Ke kilaka, kabiji nanchi Aye uyuzhatu.

162 Obewa kechi wakonsha kwikala na mwakwikainya ne, muntu umo ke akubule mwakubila nakyo. Lesa utangijila umo umo mu—mu jishinda Moakebela obe kuubila. Obewa wi—wi

muntu bunke bobbe, obewa mwine. Obewa wi lubaji lwakwa Lesa. Kafwako nangwa umu wakonsha kusenda kifulo kyobene. Kabiji kechi kujipo jishinda ja kuyilamo ku muntu ne, ne kwamba mba pano, Nafwainwa “kuuba *kikye* nakyu,” nangwa mba Nafwainwa “kuuba *kyokya* nakyu.” Ine, mwane. Lesa wikingijisha mujishinda jo—jo Akebelamo. Inge waikala na kilaka, uyuka bulongo kutoma.

¹⁶³ Kabiji inge uji na kilaka lukeelo luno, toma kwi Akyo, byo byonka byo wafwainwa kuuba. Lesa wanengezha jishinda ja kilaka kyabo, kilaka kya baana amba batoleko lubaji kyangatu kwi Ayemwine. Kabiji Lesa wanengezha jishinda ja yense mwanamulume ne mwanamukazhi lukeelo luno, ao uji nazala ne kilaka. Kapepo kuji bantu baikala muno, babula kupuluka. Muji bantu baikala muno bajitu pepi na kupuluka.

¹⁶⁴ Muji bantu muno, baikala muno nobe bamembala bakipwilo, ubena kukeba kuuba bulongo, pakuuba ubena kutoma kufuma mu tanki. Abo kechi bakemubuula bibye bya Bukine.

¹⁶⁵ Kintutu kine, ke kwiya, ke kutola mulaye wakwa Lesa ne kwiya ku Nsulo, pano Aye ukapwisha kyokya kilaka. “Aye utoma ku iye Nsulo kechi ukomvwa kilaka jikwabo ne.”

¹⁶⁶ Monai pano byo—byo Alubwile Banji—Banji batambwile ao meema, konka ku lusa, kabiji kechi mu tachikilo nangwa mu mushima wakufunda ne. Aye ushinikisha Kyambo Kyanji, yo nsulo ipana-Bumi. Baanga muno bayuka mba anweba mwatambwile Bumi mu kimye kyo mwatambwile Kyambo ne meema Anji, anweba yukaitu mba mwatambwile Bumi?

¹⁶⁷ Twayai tutole, kyawama, nobe kino, ke kyakumwenakotu, nangwa bibiji, apo Amiwa po nsakushika mu kakimyetu kacheche. Ami—Ami nafwainwa kwikala na jibbatani kuntu kumo. Pano monai. Amiwa natwajijilatula na kwamba, bino kechi Nalumbulula mba nsakwikyuba ne. Talai, twayai tusende kyakumwenako, nobe bantu bavulako.

¹⁶⁸ Twayai tumone mwanamukazhi pa mushima wakwa Yakoba, mushima wa kupoya. Waikela popa. Kyo kyonka kya yukile mwanamukazhi, ke yuwe mushima koaiyanga na kutapula meema. Kabiji konka kwa ku mushima wataineko, nobe mujishimikila kokwa, Muntu waikela kokwa, Muyudeya. Kabiji wajinga mwina Samaliya, wa mumuzhi wa Saikala. Kabiji twatana kuuba mba awe Muntu, awe Muyudeya, waambile Kyambo kyapusanako kuyuwe mwanamukazhi, amba, “Ndetelepo byakutoma Ami.”

¹⁶⁹ Aye waambile mba, “Paji misalululo. Kechi kyafwainwa—kechi kyafwainwa ne Obewa kungimpuzha ami jimpuzho jiji byonkabyo ne; Obewa byo uji Muyudeya, ne amiwa kasa nji mwina Samaliya.”

¹⁷⁰ Aye waambile mba, “Pakuuba umvwe wayuka Ye ubena kwisambananji, obewa inge wangimpuzha Amiwa mba kupepo

byakutoma, kabiji Nakonsha kukupa meema kyakuuba mba kechi ukeye ku uno mushima na kutoma ne; mwi obewa mukekala mushima wa meema utupauka.” Monai byo ataine kuuba mba akye kiji kya Bukine!

¹⁷¹ Pano, kitanshi, muntu yense wafwajilwe kwamba kyokyo. Pakuuba aye waambile mba, “Anweba mwaamba mba kupompwela mu Yelusalema, kabiji ne atweba tupompwela mu uno mutumba.”

¹⁷² Aye waambile mba, “Lupulukilo lya Bayudeya. Atweba twayuka kyo twaitabilamo. Bino,” waambile mba, “leka kubuule kintu kimo,” mu byambo bya musango yuwe, “nangwa mu uno mutumba, nangwa mu Yelusalema ne. Mambo kimye kibena kwiya muntu po akapopwela Lesa mu Mupashi ne mu Bukine, mambo Bataata bobakeba ba yeo musango.” Aye waambile mba, “Yanga ukalete mulume obe eye kuno.” Monai, apo kyashinikishiwe. Akye kyamweshwa ng’anyi nsulo yo ajiga nayo. Waambile mba, “Yanga ukalete mulume obe eye kuno.”

Aye waambile mba, “Amiwa kechi nji namulume ne.”

¹⁷³ Aye waambile mba, “Obewa waamba bukine.” Monai, kyamwekele nobe kyajinga kyapusanako na kyokya Aye kyo amwimpwizhe, kabiji waambile mba, “Yanga ukalete mulume obe.”

Waambile mba, “Amiwa kechi jipo na mulume ne.”

¹⁷⁴ Waambile mba, “Obewa waamba bukine.” Waambile mba, “Mambo waikala na batanu, kabiji ne yuwe ye uji nanji kechi obe ne.”

¹⁷⁵ Monai yewa mwanamukazhi, wajinga wapusanako na bapulisiti ba mujoja juba! Bapulisiti ba mujoja juba bamwene kintu kimo kyaubiwa, ne kwamba mba, “Awa ke diabola, utanga milanguluko, nangwa—nangwa mba Belezebuba.” Monai, bakakelwe kumona Kyambo kasa kibena kulaya kyokyo.

¹⁷⁶ Pakuuba awa mwanamukazhi mucheche mubiji wajinga wayuka Kinembelo kukila ne pa bonse bamapulisiti. Aye waambile mba, “Mwane, Nayuka mba Anweba mwi ngauzhi. Kechi twakikalapo na umo ne pa myaka foolo aduleendi yapitapo, kufuma mu kimye kya kwa Malakai. Bino,” waambile mba, “tubena kupembelela umo, kabiji twayuka kuji Umo ubena kwiya, Mesiyasa. Kabiji Aye byo akeya, abye byo byo Akooba.”

Yesu waambile mba, “Amiwa yami Iye.” Amena.

¹⁷⁷ Bushe mwamona, washile mbekete pa mushima wa kwa Yakoba, ne kunyemena mu muzhi; kasa ayula nsulo itupauka! Aye wikimwene kishiinikishatu bulongo, kabiji Aye wajinga yoya Nsulo ya Bumi. Lekai na mulondolole kwi anweba. Aye washile kyokya; byo Ashinikishe mba kwikala Kyambo kya Bumi. Aye wikishiile; kabiji wataine kuuba mba jo Jibwe

jimo, aja japuminweko mungyetu, jashinikishiwe mba jajinga ponkapa.

¹⁷⁸ Lekai ami ng'ambe, awa Lesa umo wajinga mu moba apita kunyuma, ye twambapo bingi, Uji ponkapano; kechi mwaila kukwatakanya kwa maana akufunda masukuulu a mambo awama ne, kanatu na maana a bumuntu mwaila kwishinikisha Kwanji amba Aye uketulwila mu moba akupelako, Mupashi Wazhila mu kipwilo Kyanji. Aye kechi uji mba "Najinga." Aye ukijitu "AMIWA JIPO," bukatataka, kimye kyonse.

¹⁷⁹ Pankapo mushima wataile buwame bwanji. Kabiji byo kikala pa muntu yense utanwa mu bulume bwakwa Lesa, kupichila mu lubatizhilo lwa Mupashi Wazhila, tachikilo ya dinominesheni itaya buwame bwayo. Obewa kechi ukeba kutwajijila na ashinkama na babombwe, ne misobela, ne bilongolo, kabiji ne bikwabotu. Ukena kutoma kufuma ku Nsulo ya katataka kabiji ya toka, Kyambo kya Lesa, kyakatataka kila awala mu mweo obe. Kijitu pamo ne luno, inge Kyambo kya Lesa kyashinikishiwa mba Kyabukine, kitopai mumone kana kechi kiji bulongo ne.

¹⁸⁰ Nangwatu mushima waingila mwingilo wani wawama, waingijile bulongo mu kimye kyanji; bino, mwamona, Nsulo ya Bumi yajinga ponkapa, kechi kutwajijila na mushima wakwa Yakoba ne, mutomono ya bumupashi. Kyo balangulukilenga kyakuuba mba, inge batoma kufuma muyewa mushima, kika, kyakonsha kwikalatu bulongo; pakuuba pano Nsulo ya Bumi Ayo iine yaikele popa.

¹⁸¹ Pano kechi tubena kukeba tachikilo kabiji ne bipamo byo tuji nabyo ne. Tuji mukimye kya kumpelo. Kabiji Lesa walaile, mu kino kimye kya kumpelo, bintu byo Akooba. Kabiji twibimona byafikizhiwa, monka mwaikela Kyambo. Tubena kumvwa banabalume ba bilobo bamubashilikale, baimana, kasa bbabena kuzakama, ne kwamba mba, abo, "Kintu kimo kisakumweka." Tubena kumvwa lujimuno lwa Nupashi Wazhila amba kintu kimo kisakumweka. Twamona bintu byonse biji mu ndoonda. Nanchi, lekai yoya tachikilo kabiji ne kwiya ku Nsulo. Ee, mwane.

¹⁸² Kyaingijile mwingilo wakyo, pano papo aye wakumana kilungi ne kilungi na Nsulo Ayo iye.

¹⁸³ Mu Yoano 7:37-38, Yesu waambile mu moba apelako a kijilo kya matete (Aye waambile mbaka?), "Inge muntu waumvwa kilaka, lekai eye kwi Amiwa, ne kutoma atome." Monka mukachi kabafunda masukuulu amambo awama! "Umvwe muntu umo waumvwa kilaka, mulekai eye kwi Amiwa, kabiji ne kutoma. Mambo Binembelo byaamba mba, mukachi kanji mukekala nsulo ya mikola ya Meema abumi."

¹⁸⁴ Kuji Nsulo ya bumi. Aya yo Nsulo bantu yo bakana leelo. Namambotu a mafunjisho a bantu, bakana Nsulo ya Meema a

bumi. Lekai ami ne mubule Aye kwi anweba. Aye, kwi ami. . . Kabiji mbeni kushiika.

¹⁸⁵ Aye, kwi ami, yo yoya Nsulo ya mpulwishe bumi bwakwa Angela, ne mwaana, mu kimye kyo bafwilenga mu kiselebwa.

¹⁸⁶ Amiwa naketekela mba Aye ye Jibwe, mu Isaya 32, Aye jo joja Jibwe mu ntanda ya kukooka. Aye ye kyakufyamamo mu kimye kya kikukwila.

¹⁸⁷ Zechariah 13, Aye yo Nsulo yashikukile Munzubo yakwa Davida, na mambo abubi. Amiwa na muketekela Aye kwikala iye. Nga anweba?

¹⁸⁸ Mu Masalamo 36:9, Aye yo nsulo ya Bumi yakwa Davida. Aye oo Meema azhindama akwa Davida, kabiji mo mu munyevu wawama. Aye oo Meema a kulubaji lwa kakola, kakwa Davida.

¹⁸⁹ Mu Ntendekelo 17, Aye ye jibele ja kwamwako jakwa Abulahama, El Shaddai. Bino bumi bwanji byo bwafumine mwi aye, ukijitu aye. . . Lesa byobyo aambile.

¹⁹⁰ “Mwanamulume wa myaka aduleendi, akye kikekala byepi? Amiwa ne mukote, mukazhami wakota, abye bintu byakonsha kwikala byepi?”

¹⁹¹ Aye waambile mba, “Amiwa yami El Shaddai.” Pano, *El* ke “aye,” kabiji—kabiji *Shaddai* ke “jibele,” kabiji Shaddai ke bintu byavula, kibena kulumbulula mba “Amiwa ne Lesa wa mabele.”

¹⁹² Pano nobe mwaana wakooka ne kukolwa, kabiji bulume bwanji bwafumamo mwiaye, ushakamina mu kyaji kya inaji kabiji ne kwaamwa mu kubwezha bulume bwanji jibiji. Kine. Kechi ponkapotu ne. . . Kimye kyo abena kwaamwa, kechi ukooka ne jikwabo ne. Ku jibele ja inanzi, wikala watondwa mu kimye kyo abena kutambulwila bulume bwanji.

¹⁹³ Kabiji muntu uji yense ukasenda mulaye wakwa Lesa mu muchima wangi, kuuba mba, “Mulaye walailwa kwi anweba, ne baana benu, ne booba baji kwalepa, ne bonse mo bavujila Nkambo Lesa wetu boaketa,” kabiji ikajila ku kyonkakyoo ne kwaamwa kubwezha bulume. Mwaana wakooka, kitabile! Ke kya baitabila.

¹⁹⁴ Ku sampawilo ya waitabila, Nakonsha kulanguluka nyimbo yavula bingi ayo basampawilo yo betumwena. Kwajinga umo kimye kimo waamba mba, Aye:

Kuji Nsulo yayulwa na Mashi,
Afuma mu mishipeshipe yakwa Emanuele,
Akufyamamo ba mambo,
Bundengamambo bwabo bonse bupwa.

Awa kapondo ubena kufwa wasekejile pa
kumona

Aya Nsulo mu juba janji;
Amiwa ne Wa, bubi bwine,
Kine muntokeshe.

Byo Namwene mashi enu kulwitabilo
 Byo aichikile,
 Butemwe bwabukuzhi bwaikala ke lwimbo
 wami,
 Kabiji ukekala poso Nkafwe.

¹⁹⁵ Kwi ami, Ye Meema a Kyambo kya Lwaabano, akyo kikwabaanya ku kyonse kyapusanako na Kyambo Kyanji. Aye yo Nsulo yo Namuketekela Kwikelamo. Ee, mwane. Ao, O Meema angabenye kufuma ku mishima yalengwa-na bantu, kuya ku Nsulo ya Meema a bumi. Oo, mulunda, Nakonshatu ku... Wakonshatu kutwajijila, na bintu byo—byo Aaji kwi atweba! Aye ye Alefwa, Omeka. Aye ye Ntendekelo, Aye ye Mpelo. Aye ye Iye wajingako, ye ujiko, kabiji ye ukeya. Aye ye Muzhazhi ne Kisaka kya Davida. Aye ye Taanda Wakumakya. Aye ye byami Byonse mu byonse.

¹⁹⁶ Kabiji, mulongo, nyenga, inge kechi wakikalapo na—na... Ubatoomengatu ku nkaako ka tanki kalengwa-na bantu, mu bumi bobebonse, kika kyakubujila kuleka aka ka tanki ne kwiya ku iye Nsulo?

¹⁹⁷ Twayai tukunyike mitwe yetu pa kakimye kacheche. Na mitwe yenu ya kunama...[Nyenga watatula kwimba mu lujimi ungi. Kafwapo bijipo pa tepu ne—Waku.] ...mwaila milanguluko yami, lwito lwa kukitapisho. Baanga pakino kimye?

¹⁹⁸ Amiwa—Amiwa najinga na lubazhibazhi, Na—Naji kwimulama pa kimye kyabaya, kyalengela nachibako mbila yami mu bipimvwa. Bino Naketekela kuuba mba Mupashi Wazhila ubena kukeba obewa mba utambule byo Nalumbulula. Talai, kechi kujipo kintu kyanema mu jino juba ne kanatu kwikala bulongo na Lesa; monai, kajo ketu kamulajilo, byonse byobiji, biji byonse. Aye Nkambo uji muno. Pano, Amiwa ne kyumvwatu jimo kyokyo mu bumi bwami, kufika pa kino kimye.

¹⁹⁹ Pano byepi...anweba bonse muno, kechi mba “baanga.” Anweba bonse muno bakeba kutoma kufuma ku Kyokyo, imanaikotu pa kamineti, na mambo a milombelo. Lesa emupeshe. Aye Nkambo emupeshe.

²⁰⁰ Pano baanga muno, abo—abo baimana pa kino kimye, bakonsha kwamba, kupichila mu kusutula kuboko nobe *bibye*, “Lesa, endai pe amiwa, ngyuzhaitu, lekai tome kuyiye Nsulo. Kabiji Amiwa kechi nauba biji bulongo ne, bino Na—Nakeba Anweba kundekelako mambo pa kikyeye. Nakeba Anweba komvwa bubu bwami. Kabiji lekai—lekai—lekai ami, kufuma kujino juba, kuubatu...”? Kutalatu! Ami!

Kuji Nsulo yayulwa na Mashi,
 Afuma mu mishipeshipe yakwa Emanuele,

Akufyamamo ba mambo,
 Bubi bwabo bonse bupwa.
 Bubi bwabo bonse bupwa,
 Bubi bwabo bonse bupwa;
 Akufyamamo ba mambo,
 Bubi bwabo bonse bupwa.

²⁰¹ Pano byokiji, obewa wi Mwinakilishitu waitabila, wamutambula Kilishitu nobe Mupulushi obe, bino ukyangye. . . Pano inge ukyangye, ayo yo Nsulo. Yo yonkatu Imo yo Nayuka ke yoya Nsulo yafuma mu mishipeshipe yakwa Emanuele. Pano, inge anweba bavula muno. . .

²⁰² Kijitu pamo nobe byo Naambilenga bufuku bukwabo pa yuwe mpungu mucheche waendelenga mu kipaka na banzolo. Kabiji aye kechi wayukilepo kintu kikwabo ne kanatu banzolo, bino wayukile mba mwi aye mujipo kimo kyapusanako na banzolo. Kabiji pano bainanji baishile na kumukeba, kabiji wabijikile kufuma peulu. Kyajinga lwito lwakwa mpungu. Monai, aye wajinga mpungu, kya kutatwilapotu, nangwa inge kechi wayukile lolwa lwito ne. Monai, aye. . .

²⁰³ Amwa mwafwainwa kwikalapo kintu kimo, kyasapuka, inge ne kechi kyakonsha kuleta Bumi ne. Kabiji umvwe Lukunwa, Kyambo kya Lesa, uji mwi obewa, aye Mupashi Wazhila uji muno pakino kimye mu kumenesha kyokya kabiji ne Kwikileta mu bututulu kwi obewa.

²⁰⁴ Baanga muno babula kutambula lubatizhilo lwa Mupashi Wazhila, mwakonsha kusutulako maboko enu nyi? Konse kuzhokoloka, konse konse, kwikala wakishika, inge kechi watambula Mupashi Wazhila ne, kabiji ubena kukeba, sutulai kuboko kwenu. Konse komuji, bikaitu kuboko kwenu peulu, pa kimye kicheche.

²⁰⁵ Pano Nakeba, anweba mwaimana kuzhokoloka kasa mubena kwibatala, Nasaka muntu umu kubikapo maboko enu pe abo.

²⁰⁶ Naketekela mba ponkapano Mupashi Wazhila usa kuyuzha yense wa mwianweba ubena Kwikikeba. Pano kechi mulanguluke pa kajo kaji momwa mwakujila ne. Twayai tulanguluke pakako Kajo muno. Awe ye Iye. Abwe ke Bumi. Monai, abwe ke Bumi.

²⁰⁷ Pano alulukai, bonse pamuntu pamuntu, bikai maboko umu pa mukwabo. “Kabiji babikile maboko abo pe abo!” Pano Nasaka namba obewa ulombelele awo muntu po wabika kuboko kobe. . .

²⁰⁸ Pano kechi mulanguluke mambo akuya pangye ne. Kechi mulanguluke kintu kikwabo ne. Pano langulukai, ponkapano, Mupashi Wazhila uji muno mu kuyuzha muntu bunke. Nshikulai muchima wenu, fumyaimo meema onse a mu mushima, ne kwamba mba, “Anweba Nsulo ya Bumi, iyai mwi amiwa. Ngyuzhai, Anweba Nkambo Lesa, na buwame Bwenu ne lusa.”

²⁰⁹ Nkambo Yesu, anweba Nsulo ibula kuuma! Nalomba, Lesa, amba Anweba musakuyuzha umo umo pe abo. Lekai Mupashi Wazhila ekile muno. Nalomba, Lesa, namba tulubeko pabintu bikwabo; pakuuba mba Mupashi Wazhila aponene mukachi kentu, ponkapano, kabiji usa kwitupa aa Meema a Bumi, kyatutu, kufuma konse konse. Kiswishai, Anweba Lesa. Mukimye kya—kya kutwajijila milombelo ne lwimbo, kasa bibena kukwatakana pamo, Nkambo, byo twayuka mba kyo Kyeenyi Kyenu, Kyeenyi Kyenu kya Bulesa, twakeba kwiya ku Nsulo. Twakeba lwiine, lubatizhilo lwakine lwa Mupashi Wazhila. Nkambo, aabo bantu babena Kwakilombelela. Nalomba mba, pa kyonka kino kimye, amba bayuzhiwe na bubwe buwame bwa Lesa. Kiswishai, Anweba Nkambo. Umwai milombelo ya baana Benu. Lekai Anweba mwiye pa bumuntu bwabo, lekai Bulume bwa Lesa, ne Mupashi Wazhila, apite pe abo. Kiswishai, Lesa.

²¹⁰ Anweba byo Twimusachila pa mambo akwitubwezha kipya kipya, mambo Kyeenyi kya Lesa wabulume Wamwiulu, waimana mukachi ketu! Ponka pa kino kimye kya kushikimana, Nkambo, tujishai! Nkambo, tubena kukeba Kajo kafuma ku tebulu Wenu. Tujishai, Nkambo, ponkapano. Tujishai na Mupashi Wazhila, mu bumi bwetu. Myeo yetu yafwa kilaka kya kunyema lubilo. Byonka Anweba byo aambile mukulumbulula kwa lwimbo, “Kiketulwila meema panshi pa mushiji wauma.” Lekai kimweke, Nkambo. Lekai Byambo Byenu bisoloke mu michima ya baana Benu, “Meema pauma, mushiji waumisha.” Lesa wa Peenape, umwai lulombelo lwa kalume Wenu, kabiji panai kwi atweba aa Mapesho. Amena.

Oo, byo Namutemwa Ye- . . .

²¹¹ Pano twajijilaitu na kumutakaika Aye pakino kimye. Kebai, Mupashi Wazhila uji pano. Inge wabula kumutambula Aye, ke mambo obe.

Byo Namutemwa Yesu,

“Bushe watemwa Amiwa kukila bibye nyi?”

. . . temwa Yesu,

Mambo Aye ye mutanshi watenenwe.

Oo, byo Namutemwa . . . (Lutakaiko lwikale kwi Lesa!)

Oo, byo Namutemwa . . . (Ibyepi Aye nge wakonsha kwiya pa kyonka kino kimye?)

Oo, byo Namutemwa Yesu,

Mambo Aye ye mutanshi watenenwe.

Amiwa kechi kamuleka Aye ne,

Amiwa kechi kamuleka Aye ne,

Amiwa kechi kamuleka Aye ne,

Mambo Aye ye mutanshi watenenwe.

Wakukumya, wakukumya, Yesu kwi amiwa,
 Aye Wamaana, Mfumu wa Mutende, Lesa
 Wabulume ye Aye;
 Oo, kupulusha ami, kundama ami kufuma ku
 bubi bonse ne buvu,
 Wakukumya ye Mukuzhi wami, takaikai
 Janji. . .

212 Twayai tumwimbile Aye pano!

Wakukumya, wakukumya, Yesu kwi amiwa,
 Wamaana, Mfumu wa Mutende, Lesa
 Wabulume ye Iye;
 Oo, kupulusha ami, kundama kundama ami
 kufuma ku bubi bonse ne buvu,
 Wakukumya ye Mukuzhi wami, takaikai
 Jizhina Janji!

213 Bonse baumvwa muye musango, ambai mba “Amena.”
 [Kipwilo kyaamba mba, “Amena.”—Waku.] Oo, aleluya! Namona
 bantu bamo kebeye pano, na Mupashi Wazhila.

Najinga walubilamo, pano Nalubuka, kufuma
 ku luzhachisho,
 Yesu upana kukasuluka kabiji ne lupulukilo
 lwapwijijika;
 Kupulusha amiwa, kundama ami kufuma ku
 bubi ne buvu,
 Wakukumya ye Mukuzhi wami, takaikai. . .

Twayai tusutule maboko etu pano kabiji kine takai- . . .

Oo, wakukumya, wakukumya, Yesu kwi ami,
 Wa Maana, Mfumu wa Mutende, Lesa
 Wabulume ye Iye;
 Oo, kupulusha amiwa, kundama ami kufuma
 ku bubi bonse ne buvu,
 Wakukumya ye Mukuzhi wami, takaikai
 Jizhina Janji.

214 Wamutemwa Aye nyi? Oo, wakukumya! Lutakaiko lwikale
 ku Nsulo yayulwa na Mashi, amo babi bataya mooyo wakuchina
 muntu, luzhachisho lonse, kwikalatu wakasuluka mwi Aye.
 Aleluya! Oo, ami, akyo kyawama bingi!

215 Pano kimye kyo tubena kwimba kyokyo ne jikwabo, lekai ba
 Methodist bonse, Baptist, Katolika, Presbyterian, kyo kika, mu
 kimye kyo tubena kwimba kikye, “Wakukumya, Yesu kwi ami,”
 twayai twaluluke kabiji ne kwiimuna umo ne mukwabo, ikalaitu
 na kumvwanga-kana kwakala kwawama. Mwayukatu, Amiwa,
 akye kyo Natemwa. Twayai, twayai tumwimbe mu kimye kyo
 tubena kwikyuuba.

Oo, wakukumya, wakukumya, Yesu kwi ami,

²¹⁶ [Mulongo Demos Shakarian waamba kwi Mulongo Branham, “Mulongo Branham, Amiwa njiko na kyambo pa Ndamakyaalo Johnson, watwalwa ku kipatela na kikola kya muchima, kabiji kape twafwainwa ku mulombelelako ne ku lombelelako kyaalo kyetu.” Muntu umo waamba mba, “Tupembeleleko kamineti kamo.”—Waku.]

Wakukumya, Yesu ye, (abyo ibyo)
Oo, Wamaana, Mfumu wa Mutende,

²¹⁷ [Mulongo Shakarianne jikwabo waamba kwi Mulongo Branham, “Ndekelaiko mambo, ndekelaiko mambo ne jikwabo, mubena kukeba kwikila panshi pa ka kimyetu kacheche?” Mulongo Earl Prickett watangijila kipwilo mu kwimba, *Wakukumya*. Kafwapo kiji patepu ne. Kipwilo kyaimba *Kuji Awa Mukola Wa Bumi*. Ne jikwabo kafwapo kiji patepu ne—Waku.]

Aye Baibolo waamba mba, “Lombelelai aba baji muluusa.”

²¹⁸ Taata Wetu Wamwiulu, twaimana na kijikila kya kukabila ntangi wa kyaalo kyetu, Ndamakyaalo wetu. Aye kechi wakonsha kuyuka kikye ne, Nkambo, pakuuba Anweba mwikiyuka. Nalombelela Mulongo Johnson, byo aamba mba waitabila mwi Anweba. Kabiji, Taata, kikola kya muchima, byo twaumvwa, kya mukwata. Nalomba, Lesa, shaipo bumi bwanji. Tuji mu—mulukatazho nobe kyaalo pakino kimye, byonkabyo. Kabiji lekai Mupashi Wenu eye pe aye, Nkambo. Kabiji ponkapano, uji mu kipatela nangwa konse ko afwainwa kwikala, kabiji lekai Mupashi Wenu ekile mu kyokya Kipatela kya Walter Reed kabiji ne kukwata mubiji wanji, kupulusha bumi bwanji. Nkambo, muntu uji mulukatazho, lukatazho lwabaya kukila ne byo twiluyuka. Nanchi twalomba, Lesa, nobe baitabila kabiji nobe baji kulubaji lwa kino kyaalo, twalombelelako ntangi wetu, amba Anweba musakuswisha kunungako bumi, mu kino kimye kikatampe, mu Jizhina ja Yesu Kilishitu. Amena.



MISHIMA YALAJIKA KDE65-0123
(Broken Cisterns)

Ino Mbila na Mulongo William Marrion Branham, yalupwilwe patanshi mu Kizungu pa Kibelushi lukeelo, Kakubokache 23, 1965, pa kajo kakwiaula ka ba Full Gospel Business Men's Fellowship International ku Ramada Inn mu Phoenix, Arizona, U.S.A., byafumishiwa pa tepu ukwata ne kufyatula kabiji bya nembwa mu Kizungu kwa kubulwa kupimpulwa. Ino ntuntulwilo muki Kaonde ya nembelwe ne kusampanya na ba Voice Of God Recordings.

KAONDE

©2021 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org